

近代詩鈔

二十三

近代詩鈔

近代詩鈔

金天羽

天羽字松岑原名天翮江蘇吳江人光緒末薦舉經濟特科有天放樓詩集

石遺室詩話松岑詩才調縱橫在畫家爲能品近代中與龔定菴頗相似茲錄其較有意境者

村居

積水陂塘浴鷺鮮牧童斜渡日烏犍柳陰巧曬漁家網花港長
停過客船忙裏招朋閑裏醉饑來煮飯倦來眠村村麥秀櫻桃
熟愛煞江南四月天

懺愁吟贈內

涼月照空庭影弄紗窗竹春風窺我簾藥煙相對綠貧病是我

近代詩鈔

金天羽

鄰愁苦乃卿族語卿勿復愁爲卿寫衷曲我家門前水潨洄抱
清淑高吟偕隱詩二水三分屋牽蘿小生涯藝花真眷屬而我
曝詩書而卿潔水菽而我宅尊彝而卿安匳蓋青山朝畫眉碧
泉秋洗目小字紉薌蘭年命祝金菊如此四十年雖貧亦已足
卿病何不起起來共商榷

玲瓏曲

花玲瓏媚晚粧月玲瓏照洞房曲玲瓏譜宮商心玲瓏爲文章
千絲織錦巢雙鳳天上梨雲壓春夢生來福薄是多情相思一
夜銀河凍

妾薄命

詩爲屯村龐氏女作也女嫁凌氏結褵三日而所天亡
故作是詩以悲之

二月白杏開有花照粉牆明月出花間媚於新嫁娘朝見新嫁
娘暮見新嫁娘一夕罡風摧圓靈化媪孀女生非高門門前種
綠楊十四能哺蠶十五行採桑十六工縑絲絲成織流黃出門
道上行觀者比姬姜皆云好女兒應嫁誰家郎女年二十餘阿
母大奔忙春風理刀尺稱身裁衣裳問女嫁阿誰燕燕飛蒲塘
蒲塘東去路高樓臨道旁簫鼓何闐闐庭中宰猪羊賓客盛衣
冠來上主人堂皆云女福命嫁得東家郎香車入門來濟濟多
嬪嬙紅羅頭上市有冠如鳳凰霞佩曳瓊琚明珠墜耳璫璧人
天作合玉質而金相青廬撒帳夕觀者舉若狂是夕鷓鴣鳴鳴
聲高引吭紅燭大如椽蠟淚傾汪汪郎病忽作疴體寒如中芒
三日不得汗巫醫紛蝟螭醫窮佛不靈竟之不死方歌者方在
門哭者已在房雖哭亦何知魂歸泰山旁矢誓不獨生與郎同

存亡幽都閉寒門
日月光摧藏鬼伯角鬢鬢縱目多豺狼郎魂
倘間關妾行如康莊姑嫜來相視語苦尤斷腸
我家門祚單一兒傳蒸嘗又不生女兒有婦勝
女強以婦當女看爲我理羹湯以婦當兒看爲
我司倉箱婦今舍我去何以慰尊嫜婦亦有慈
母日暮風燭光堦女一朝殉催之上北邙兒魂
亦不甯願婦稍徊徨此語感親戚羅拜如祈禳
哀哀作羈雌戚戚成寒螿悲風入夜來素幃忽
飄颺心知郎來歸驚喜撫空牀精靈不可接剋
心如中創嫁郎初嬌羞得郎問寒涼三日入郎
門繾綣未能長憶妾許郎家行止媚吉祥鮮角
枕邊蓮花雙鴛鴦蓮花開幾時雄雛中天殤
憶妾許郎家愛學時世粧雙鬢堆鴉雛釵笄
燦成行拔釵換著簪麻衣如雪霜昨來雙飛燕
飛繞畫梁晴雨話呢喃襟翅帶花香嗟我素心
人修夜獨不暘搥心無與言舉

首問穹蒼穹蒼不能答怨極淚溟滂怨也亦何益妾命自不臧

秋感卽贈治民時治民館予天放樓

抱書午夢一伸脚醒及高梧已送秋起拭東南滄海淚遠懷西
北美人愁蒼蒹路阻波橫臆黃葉山空天放眸賴有故人同作
達萬千牢落醉還休

佩忍餉酒以詩報之效其體

高陽酒徒今不作嗚呼吾意真寥落酒腸無酒詩不流澀盡宮

徵商羽角

朱梁西以工尺上四化推得五音順
序當爲宮徵商羽角其言創而鑿

霜風昨夜吹老

林臥聽高樓戰鳴鐸朝來欲糞苦茗啜聾奴入門聲嘖嘖阮家
兄弟不速來踞坐對我氣磅礴陳君愛人善體貼道我至性甘
淡泊腹萬卷書手一樽醉鄉無由起城郭年來更抱消渴愁不
過屠門噉脾臄一朝撥甕勸百壺肺肝槎枒生劍槩盤登老芋

魁一尺佐以鹽齏勝海錯是午微陽偶逗暄鄰叟開門掃秋籜
黃梅花放低著牆苦硬馨清句難琢濃磨斷墨秃吮筆高喚平
頭縛兩屨期君見詩發粲齒起爾狂言功不薄明當更棹酒船
來痛飲爲君煎餈飪

無題

酒乾杯淺望蓬萊寸恨天長索翦裁雙鬢茶煙慵杜牧一庭梅
雨咒方回駕騰鸞鳥思迎宓願作鴛鴦別姓崔倚枕思量情誤
我護花心重畏輕雷

雜感

百家各有用豈謂儒獨尊黃老尙柔退爲古英雄人孔老不異
宗學易探天根孫吳纂易祕立術較不純至竟古干將殺人爲
人珍非攻而善守墨翟尤魁倫翟也道不傳般爾海外行至今

疆場上金火兩不情萬魂一慘怛上蒼亦久聞大亂大才出相
需會有因五行各代謝一尅復一生終當肅雷電長嘯開蒙屯
海闊天遼遼歐亞文明交花葉相當對雅頌笙管調作者成吉
斯首赴拿翁招今茲華盛頓前來訪帝堯我疑哥倫波前身騫
與超梭柏逢孔孟班荆相諧嘲盧梭毒世人不崇黃餘姚峨峨
伊符塔祥雲捧高標嗶嗶自由鐘滄溟震寒濤風日太平洋歐
亞文明交我執惜不化魔難生羣妖微妙而圓通斯人其寂寥
我欲隨穆滿崑崙朝仙靈我欲逐老子化胡流沙行我欲問張
騫乘楂稱客星我欲詞徐福樓船去蓬瀛磨牛踏陳迹鯤鵬圖
南溟蟻穴封侯王安能了一生終當棄儒冠出關請長纓無爲
運齋甃旦夕徒營營

金闕行

高高吳王城六門平旦開金閭縮馳道車轂鳴春雷楓橋水濺
濺細柳夾道裁軍中聞凱歌云自固鎮回梨園奏新腔絲管清
且哀此地非軍中何用長銜枚失意廣座間刀光迎面來連營
一呼嘯勢若風雨催是時金閭城燈火照樓臺狎客正飛觴座
有金釵陪忽聞嘶騎臨嗚嗚角聲吹遺簪復墮履涕笑如嬰孩
城門下金鎖欲遁難鑿坏列肆何煌煌善賈倚多財亦有海外
商百物儲珍珠踢戶如催租囊寶盈其懷搜索到蓬門不問椽
與杯嗚嗚角復嗚負戴行大達官鼓打嚴更瞳瞳見朝暉趨者
飽颺去黠者行潛歸明朝大將臨建鼓揚旌麾下馬氣如虹擐
甲看于鬣我士聽無譁告汝軍中規亂者縲首刑我法不可違
幸逃軍吏誅去矣無從追反側各自安無爲搜根荻賞善而罰
淫金錢犒纍纍此意誠難知公然獎盜魁可憐金閭民竈突寒

無灰捐貲贄北征荆棘緣自栽跳身願從軍良民不可爲

聞冬木老人隱居包山八十有六擅鄭虔三絕神明不衰
今之少微靈光投贈一詩以爲先容且冀得老人之墨
瀋也

峭帆帶雨雲冥冥胥口風利船不停浪花怒打船折行對面失
卻包山青包山丈人存古型方瞳湛碧涵明星消夏灣頭結草
亭清詩妙畫見性靈詩吟左司畫右丞山澤之臞壽者徵我今
冒雨訪洞庭願得墨妙圖真形

石公山

湖天三面石瓏玲寺裏登峰踏上層脚底濤聲舂禹穴眼中山
色辨吳興聯雲嶂險看雲疊來鶴亭空喚鶴鷹一事難忘花石
史萬千回首下高陵

寄懷毛仲可何泰安

岱宗青來塞戶牖主人留客觴重九山左黃花取次開銀槎一
醉桑落酒酒罷客行月在樹徒御張燈送車右別來百日三寄
書開緘令我重回首投轄已感交誼真贈碑具見相知厚清琴
泛響聲在耳楸枰落子談用手遊山行厨供張備騶徒廟祝知
名久先公領此百里郡道路爭稱賢太守卽我假館僅三宿一
門詩禮敦孝友江介花開春意動問君肯上吳船否不材誼作
東道主韞矢前驅屬車後蹇驢扶醉訪獅林畫舫載花經虎阜
可惜江山平遠不驚人比較齊大非吾耦

徐州登黃樓

亂山開處見彭門十丈黃樓迥出雲聽說羽衣人去後笛聲猶
繞大河濱

嵩山高

碧叢叢高極天吹笙王子冠列仙騰龍跼鶴嵩高巔下觀塵世
三千年白水真人地下眠黃袍不上太尉肩嵩高王氣今肅然
上不生高光下亦不生曹與袁鴻名神器一閣于漸臺之水淪
爲淵西陵歌吹送老瞞妓衣空向高臺懸分香賣履燒紙錢會
有瓦硯銅爵傳銅爵之臺臨漳起卽今亦作當塗視蓋棺未到
難論定晚節竟被千人指千人指一朝死南面王東流水五嶽
駿極嵩當中願天不生帝子生英雄

· 黃山歌

軒轅皇帝天爲徒手提大化還洪鑪乾坤六子試胚朕渟峙飛
走呈形模丹成擲鉢上仙去元精夜出干斗樞遊戲人間作狡
獪化身百億朝天都爲雲爲松爲瀑布瀑作長虬松矮奴爲鸞

爲龍爲師子龍翔獅蹲鸞尾舒爲仙爲佛爲魔怪仙行佛坐魔
軒渠散花天女雲作裾觀音大士蓮承趺三參童子膜拜立鸚
鵡飛空銜數珠達摩渡江來折蘆琴高飛昇跨鯉魚金盤承露
堆果實筆峰上卓生花鬚抱膝者隱緇經儒聽琴者僧載寶胡
隱囊紗帽觀棋局喚作丞相堪胡盧山精木客莊諧俱宅天子
障爲奧區精魄原是舐鼎餘軒轅龍去適鼎湖西天佛子求歸
墟清涼讚佛詩南膜諦視蓮花說真如是谷是潭皆鉢孟是藥
是草皆芙蕖是峰是石皆淨居是雲是海皆天衢是道是釋皆
文殊三十六峯中天都其外百千萬乃爲天都郭東來雲門三
肅客湯泉澡身忘故吾青龍潭瀑洗碧砮硃砂紫雲峯珊瑚侷
僂丈人體籟篠凌雲仰見跳仙颺入坎出井梯橋紆玉屏風見
斜陽徂夜夢扶搖入太虛軒轅皇帝開行廚銀河爲漿北斗斟

青蓮花瓣甘露濡華嚴大法齊華胥仙釋二帝丹同咀我登黃
山力未痛有茶可採藥可鋤有雲可宿海可鋪有石可繪松可
摹彼松不作偉丈夫筋張鬣縮百怪儲緣岡迸石如狴狙山之
靈秘彼所胙一松迎客恭而迂如儻如介當門閤一松送客低
厥株如卑如幼循牆趨一松接引艱危須如手如臂峯尖扶一
松蒲團石上敷如針如線如氍毹一松聚音風來梳如吟如嘯
如笙竽更有擾龍之松肩臂羸松蟠石媵龍在笈龍蛻上天生
龍雛帝松之諡錫古初是松是龍不可呼千山鱗甲皆龍孳山
中一雨水被塗九龍瀑布匡廬無君不見他山苦肥黃山臞飢
來三日精黃茹天都蓮花兩角孤雲孤庵逢擲鉢吾歸歟松圓
逝矣海上濱虹逋歸來賦詩倩寫黃山圖

黃濱虹名
歙縣人

天都峰

良位在東南立地苦不尊我觀天都峯氣若無崑崙軒轅擁二
仙學道探天根丹光作明月劍氣生白雲劍備上清都冕旒朝
羣真茲峯絕依傍龍駕所遊巡三障列侯服一柱標帝宸至今
削壁上未許猿猱捫泰山亦云高躋巔瞰朝暎華嶽更嶄絕玉
女闕頭盆天都四無鄰舉首驚威神衆峯不敢仰戢戢如兒孫
夜半奏廣樂帝將觴羣臣天地爲鐘鼓六合聞韶鈞佛從西方
來丈六顯金身抗雄起蓮花分席如帝賓一闡華嚴法互締香
火因仙佛本合種山川通苾芴靈爽日來遊荒度非普門我行
名山多忽作天都民醉來上天都一臥三千春天上桃花實東
海看揚塵

羅星洲爲吾鄉勝景長夏苦熱念之成詠

柳禿花欹島一螺鷗馴鷺熟喜相過鐘魚響處湖雲靜樓閣明

時浦靄拖碧漲水高行酒舫紅晞日出灑魚簑違離江國思消
夏支枕風湍對芰荷

贈高吹萬燮

學吹萬與余爲游侶者三度令子君介圭從余
與芳雄交善戊午夏吹萬病幾殆余於乙

丙兩問亦染心臟病然則吾
人之所不同者殆希矣

沈疴不死氣如虎兩足猶能踏萬山黃嶽褰裳穿雨過青春閉
戶著書閑妻工嗚噓談莊老兒有心想訂馬班一事輸君成別
業邱園吾已長榛菅

Vertical columns of text, likely bleed-through from the reverse side of the page. The text is arranged in approximately 12 columns, reading from right to left. The characters are faint and difficult to decipher due to the bleed-through effect.

近代詩鈔

顧燮光

燮光字鼎梅浙江會稽人官部曹有非儒非俠齋詩

題王鄒閣藏西漢遲元宗等祖冢刻石

西京石刻如星鳳瓌寶人間尙有之降命猶存殘字百神光十丈照臨池

不須片石語韓陵我亦天涯行脚僧碧落碑奇三日讀千秋猶憶李陽冰

題漢崔公殘石拓本後

漢石渺難尋隻字珍拱璧姓氏記崔公壬子留遺跡郡守歷多年遺愛刊貞石斷碑等吉光字泐石刊碧事實攷證難摩挲費晨夕漢輔好古士與蒙有同癖千里貽書來拓本彌珍惜鴻都

近代詩鈔

顧燮光

憶中郎遺墨何能獲得此足怡悅爲之賢博奕我從大行歸磨
折游山展倦游眼亦勞展讀情何適題字付郵筒長嘯杯浮白

讀樂光

張升精論

近代詩鈔

陳止

止字孝起江蘇儀徵人有戊丁詩存戊戌詩存

輓未雅

並世論同異何止有三四哀哀命同辰年亦四十二君子賢而
高豈在名與位鳳兮德何衰棲止在平地狂狷不可得知君求
其次天地自古今落落見文字學諂日折腰誰曰骨不媚餬口
日賣文誰曰心不愧識君我獨遲因遲見道義貧亦何可長迺
有療貧意謁人走近畿臨行共我醉意謂整與別風流忽已墜
張琴讀古籍撫摩舊陶器歸來時閉門果爲病所累自慚新締
交未敢相問遺還從無意中竊聞它人議求生其實難求死尤
不易去年君有須須長得奇致如何松柏姿經時自枯萎三界

火宅中有身都能寄吾曾不畏怖顛倒著游戲柳惠黔婁康有
妻定私諡已矣爲君悼言之我所忌溝水不界心唯死或可避
人世有弔唁僕僕非吾事願告同心人且收哭君淚摻求所遺
文用副傳世志君廚身後名庶幾不終閔

日本伊藤博文在哈爾濱爲韓人擊死

東征十萬化沙蟲成汝平生一寸功喜有會稽封少伯恨無妲
己賜周公殉身誰爲歌黃鳥貫日今偏見白虹流血伏屍休論
值殷奴遺胤亦英雄

生日

月明集客帝城南坐閱春秋四十三王導尙書唯幸妾盧仝報
國有丁男能閒始覺年光好肯醉應教睡夢酣星者謂予當百
歲悠悠來日復何堪

無聊

臘尾春頭大雪中無聊日日醉東風癡兒頗得酒人趣笑說齊
肩一甕空

和叔瑛

雪後梁園見柳絲蕭條寒食禁煙時棲烏待哺鳴聲苦歸雁離
羣息影遲賞雨三春愁黯黯懷人兩地老垂垂尺書中有傷心
語不勸加餐勸忍飢

簡味之

蕭齋故人一紙書勝於照乘徑寸珠其實中無可喜事一讀再
讀增長吁雪溪先生我老友去年八月忽已殂身後寂寞同伯
道遺有老婢其姓朱生前求爲夫子妾人言此是秦羅敷年老
無歸誓守冢聞者不信空軒渠今日一死非明節要使行路矜

其愚它日我過橋西墅不因雪翁還式閤伯梁老矣固未耄書
來謂渠殊模餽倚樓近益少傳句謀食縮卻詩工夫陳夔小兒
易與耳身如斷梗隨所如君家有弟善讀律得錢僅可畜其孥
更聞佳兒得佳婦善事堂上翁與姑翁心乃在侍青閣閣中之
人應更癯有腰不折胡爲痛想因搜索詩腸枯君才長我一歲
耳我踐君年原須臾爾我漸與伯梁近伯梁漸與雪溪俱感此
恨君不解事胡爲累月音訊疏

觀鎮兵成列

乃有兩萬人名曰禁衛軍南苑日訓練授旂逢茲辰馬步礮工
輜使人耳目新樂歌東西音載道生風雲中國遂無字數以西
字分自頂以至踵色色取諸隣直假日本服裹此滿洲身學羿
能殺羿小耻何足云夷身夏其心誓死以報君君王所授旂仍

用滿漢文親貴擁此衆如龍久當馴從此虎耽耽誰敢窺國門

羊角哀

世有羊角哀可以遊夜臺世有左伯桃可以輕綈袍二子生西
羌欲干楚元王道出梁山前大雪飛漫天忍凍抱同病兩人共
一命不論爾與我死者不妨裸天忽啟牖人兩衣併一身角哀
不及止伯桃解衣死國士遇國士輕死直如此以此方戎齊奚
管雲與泥角哀且入楚爲王陳其苦王聞之歔歔爵爲中大夫
拜官益悵悵請爲左營葬誰知葬左處乃鄰荆軻墓軻不修秦
仇空借於期頭無顏見燕丹歲久骨不寒敢欺左鬼新不容與
爲鄰左示羊夢中冀得安其宮草人手執械焚之益大敗軻黨
高漸離相助出其尸羊見之大憤拔劍立自刎鄉老方掩埋風
兩雷電來戰鬪聲慘烈數十里不絕伏伺至明日荆軻白骨出

關中流寓記泚筆載其事有客醉未醒鄙其說不經生友與死
友此理豈烏有今人善翻覆交態不堪目若此兩奇鬼人閒更
有幾寄言關中客拜墓日當百

慰臂詞

近譯一書日作字五千忽覺臂酸詩以慰之

笑汝年來亦太嬌忘思投筆有班超要知九折非吾惜成就平
生未折腰

骨節何堪曲作酸夜來使我枕難安作詩慰汝申前約它日酬
勳一釣竿

沈吟

老宿希馮道新人慕華歆賣書作歸計日暮幾沈吟

哭孝元

婦人醇酒江居士不信餘生握手難
玩世戲施牛馬拜著書焚
給鬼神看七賢懶過嵇中散
三友才於管幼安白首如新唯我
在臨風空有涕洟瀾

客串

躍馬沙場意氣殊將軍到此亦銜鬢
居然再世周寧武來演前
朝鐵冠圖

紅氍毹上舊衣冠一種聲容正耐看
爭怪當時李天下拋將心
力狎伶官

檀板清樽自按歌登場粉墨意如何
建安公子饒才技持比卿
家未足多

友人書來閱予所遭詩以謝之

城南雙樹老夫家坐擁圖書十五車
元九空夸州宅美門前問

字欠侯芭

蠶菜依然作孟嘗計東兩妾並糟糠將車執杖他年事已有元
方與季方

近代詩鈔

陳衡恪

衡恪字師曾江西義寧人三立子

法源寺看花

我心不能春春色忽到眼兀立禪堂下猶帶淚痕潛森森出牆
枝弄晴殊瑟憫留此娛須臾但愁風力割

梨花

嬌雲無力倚牆東正好低枝可避風與汝隔窗斜對面一春開
落忒關儂

月下寫懷

叢竹綠到地月明影斑斑不照死者心空照生人顏

春綺卒後百日往哭殯所感成三首

錄二

我居西城闔君殯東郭門迢迢白楊道萋萋荒草原來此盡一
哭淚洗兩眼昏既不簋簋設又無酒一尊焚香啓素幄四壁慘
不溫念我棺中人欲呼聲已吞形影永乖隔目渺平生魂我何
不在夢時時聞笑言倏忽已三月卒哭禮所敦我哭有已時我
悲鬱難宣藕斷絲不絕况此綢繆恩苦挽已殘月留照心上痕
故人九原土新人三寸棺相繼前後水一往不復還我何當此
戚淚眼送奔瀾生時入我門綠髮承珠冠死別卽塵路靈輻載
鳴鑿忽忽十年事真作百歲觀念此常惻愴凋我少壯顏少壯
能幾何厭浥朝露團會當同歸盡萬事空漫漫

題春綺遺像

人亡有此忽驚喜兀兀對之呼不起嗟余隻影繫人閒如何同
生不同死同死焉能兩相見一雙白骨荒山裏及我生時懸我

晴朝朝伴我摩書史漆棺幽閔是何物心藏形貌差堪擬去年
歡笑已成塵今日夢魂生淚泚

題蕭屋泉山水畫

此畫如人冷似僧殘山賸水有傳鐙須知是熟仍非熟每到無
能却未能洪谷房山存夢想一峰梅壑許攀登童時見慣蕭郎
筆年老一分境亦增

同湯定之雪後至江亭

晚寒踏雪到江亭蹠躩明沙細可聽欲問野僧迷熟徑兀如雙
鷺立空汀倚城薄霧開新霽出屋疎林失舊青天與片時營畫
稿柴門坐我未宜局

讀大人攜家集河舫詩感賦

幽居藹暮春懷歸念彌切昏夜夢到家白日腸百結高軒眺空

翠小几坐窺晚暖雨開昭晴初花美可擷出門臨大路障面塵
滿壁奔騰咫尺地萬事一飄瞥昨者弟書至函中父詩出全家
健游衍江南佳氣節雲光漾簪裾逸興動城闕秦淮數篙水恍
與蓬瀛接嗟我滯東海定省久隔絕麤澀片幅紙捧讀若造膝
曠哉望波濤怒焉生忱惕所求已微茫茫苒苒送歲月長懷擁殘
卷短景羨飛翮乾坤未寇亂骨肉竟闊別妻孥置天外弟妹渺
難集人生信隨化聖跖亦溷跡漂泊無東西甘苦喻魂魄何以
慰親歡頑健強加食

過叻庵夜話

近市人稀罷酒盃夜寒還爲蹋門來新詩數讀餘今日舊夢重
溫半死灰未信惡因親手種相憐同命白頭哀風吹柳折逢春
發幾許深情誓不回

陳后山逝日會祭賦詩

志士何所貴溫飽無慚顏凜此耿介節誰不爲後山我讀後山詩冷徹毛髮間沈思無他奇投老終一寒荒茫八百載絕壑空躋攀衣食誠細故義在非苟安推其惡惡心塗炭汗衣冠奉身若珪璧况肯蟻附羶僧寮設齋供公其來盤桓殘年作癡事或與同鹹酸我惜未赴約追懷成永歎

貞長書來言與王天木丁桂樵泛舟西湖樂甚屬作西湖寒泛圖圖成附以詩寄之

別後相望遠寄書爲言野艇是安居鄰鄰一水寒如此落落三人樂有餘竟日勝游穿竹石出塵清聽到鐘魚吟詩更覺西湖好

文與可詩云北客若來休

問事西湖雖好莫吟詩

歲晚煙波忽起予

畫山水便面

近代詩鈔

陳衡恪

三

莽莽蒼蒼范華原千林頑石記苔痕辟人莫便尋山去却怕空

林虎豹蹲

范擬中立

梵宇莊嚴瞰大江風帆落影霧爲窗靈山香火宗風在應有天

龍禮法幢

甘露寺

初春書懷

車馬門前曉日明桃符初換覺春生却嗟雪後寒仍峭叵耐風
多耳易驚往事喜談知漸老有書不讀歎無成年年攬鏡身何
似浩蕩中流一舸橫

感懷一首

將就婚媿於感念
前室愴然於懷

閒居心不怡徘徊眇遙岡層靄盪空冥修林日摧黃萋草蔓廣
陌寒潦澹方塘尋跡非故塵卽景翫餘芳昔懽如未徂沈思安
能詳代謝豈自然古今互參商披軒復攬涕翹首送微陽淒彼

節物移何以盡杯觴悠悠歲暮懷毋令松菊荒

別婦詩一首

別漢陽將
之本

方舟激流波皎日送春暝冉冉草木榮行行衣帶緩孤征情自
悽乍別意彌黯與君結絲蘿萬里一相見芳訊續墜懽藻幄共
清讌如何舍之去去路忽修遠離離昨日景今日猶在眼回首
隔浮雲臨風託微款金石願毋違嘉辰儻能撰

觀朝雨詩一首

煙林秀遠色晨雨縱橫來輕寒散平麓飛翠上層臺春膏極海
隅萬里淨氛埃山居藹蔥蒨小窗相對開餘閑契玄朗曠覽意
悠哉喬枝棲宿羽迴溪漾潛鯁微生幸有託浮雲尙徘徊聊同
戰勝者散髮游蓬萊

汪氏兄弟招飲焦山松寥閣作此酬之

近代詩鈔

陳衡恪

窮居罕清曠勞役闕盤遊經過上下江曾不陟崇丘焦君鬱峩
峩髣髴鬪靈幽嘉我二三子招邀攬芳洲揚舫送長風開軒玩
洪流豁達坐修椽一解煩暑憂茂木藹蒼翠激石戛琳璆異人
闕金膏焉能事冥搜覽此山川壯翳如日月浮愜賞理不遺懷
古跡空留松醕庶可酌良意媿難酬

畫梅歌

千年不見華光老但聞華光畫梅好碎撒瓊瑤爛作花神遊雪
地冰天皎入室弟子楊補之枝枝瘦鍊細如絲元明諸家有述
作塗脂點墨師其師我今畫梅無所本意未經營手先冷攢空
野棘兩三條又似枯藤掛寒嶺乃園繁株不可摹晨光閣上春
糝糊乃圖在大森平生賞梅勝境惟此二處溪橋驛路偶然見飄泊
東西風景殊鄧尉孤山未經眼衝煙欲棹滄波遠層玉峩峩寫

不工轉憐絕色埋蒼蘚畫梅一幅墨如金種梅十畝望成林何
當醉臥梅花下夢醒空山飛翠禽

同峽庵遊積水潭遂次其韻

北來何事與登臨照影荒寒一水深陂柳已看新燕盡寺門不
礙蒼苔侵殘英入座供閑味列嶂圍城接野陰却似江南風物
好有人結屋動孤吟

憶石湖舊遊

已去盟鷗不可呼此心如水冷菰蒲扁舟無力迴天地雨打風
吹過石湖

泰山南天門題壁

連磴步步上山高天亦高到此數點雨下視皆雲濤

石遺先生之夫人所居曰蕭閒堂夫人卒後八年先生命

刻蕭閒堂印并爲圖因題

閱盡人間世獨有蕭閒堂至情深刻骨萬事莫與償山含夕陽
古葉落空階涼抱此垂垂老哀歌天地荒

吳仲成再婚感而有贈

新婚人所歡再婚人所歎不識新人意常憶故人顏耿此懷舊
情賢愚非所關丈夫愛後婦斯義未足安躡新忘舊履新者心
亦寒世有同心人新舊豈異觀譬彼改弦琴更張再揮彈賞音
在希微味之和鳴鸞誠知今可喜悲昔固其端咄咄致深感君
其諒我頑

與棣生晚飲歸來庵

登車看山巔到寺看雲脚雨從雲中來點滴地上落昏林密無
縫負我登臨屨寂寂歸來庵冷翠專一壑人亡九鼎換翰墨煥

如昨

端 甸 齋 罷 官 後 於 靈 光 寺 構 歸 來 庵 題 額 猶 存

空懷出岫心騰笑投林鶴坐對枯

荷花低回共清酌酌我不及醉晤言勝六博安得秉燭遊一盡
人生樂

自歎三絕

賺得長年送死人眼中亦復見新春寒門燦闕將何耐惟有昂
然槁木身

兀兀毋爲後世嗤朝菌坐送百年遲簞瓢短命無長樂回也如
愚不自知

一日蹉跎一日吁撫膺不敢問今吾江頭濁浪無朝夕抱柱尾
生真丈夫

畫溪居感舊圖

高柳蕭疎水繞廬小窗遙對一峯孤旁人指我雙栖處知有傷

近代詩鈔

陳衡恪

心在畫圖

張棣生於其所居之東葺堂一椽以居我堂前有槐一株
因名之曰槐堂賦此遣懷

老槐相對淨秋光坐歎張侯用意長着我斯堂元不負因人成
事竟何妨栖遲孤枕三年夢蕭瑟西風八月涼有客打門來問
訊餘畦贏得種花忙

作畫遺林宰平

作畫時宰平爲予率紙驪然落筆大爲驚愕既成乃知爲石也座客旁觀亦頗稱快

吾腕豈有鬼林子慎勿驚砉然筆落紙若刀解牛聲石本無定
形初非刻意成不用嚴矩矱何須寬作程急風掃窗牖幻此山
崢嶸秋花肥且美一一傍石生揖讓爲賓主微物解人情造適
不及笑尺地勝專城我石不辭堅我花不辟榮持去挂粉壁聊
爲洗朝醒

題姚重光之長女鑾臨薛素素蘭花卷子

玉鴛畫妙託高寒姚青娥嘉興人善畫有玉鴛閣集不數金陵路綺蘭想見南

遊詩格在薛素素有南遊草棗花風致耐人看鑾所居曰棗花軒

過詩廬賦贈

長安車馬熱騰騰曲巷深藏有一鐙依約定巢留社燕橫斜題
壁點秋蠅吟詩作賦名心在問舍求田老境增聞說山居新料
理擬從苔徑整行滕

卷之四

...

...

...

...

...

...

近代詩鈔

陳方恪

方恪字彥通江西義甯人

無題

端是天人玉儼臨
酒懷蘭語蕩靈襟
閒詞獨服焦延壽
字字幽馨出易林

王母旌旗鎮上宮
黃河天瀉玉琤琮
中原靈氣今朝盡
輸與雙成住碧峰

平生風雨不言愁
一度尊前意却休
仍是惠休多慧業
三年平白夢揚州

梁溪曲

自前清末年京師南妓最盛皇室貴胄無不惑溺遂以

苞苴女謁亡國而梁溪亦成北來南去之李師師云

曲罷真能服善才十年海上幾深杯不知一曲梁溪水多少桃花照影來

休言滅國仗鬚眉女禍強於十萬師早把東南金粉氣移來北地奪胭脂

鐙痕紅似小紅樓似水簾櫳似水秋豈但柔情柔似水吳音還似水般柔

近代詩鈔

胡朝梁

朝梁字子方號詩廬江西鉛山人官部曹

夏日卽事

人生快意是會合盡日好風來東南芳塘半畝水清淺茅屋一
間人兩三看水看山殊未厭栽桑栽竹粗已諳青雲可致不須
致我願食貧如薺甘

對南山

自來骨肉關至性行矣關山良獨難橐筆還家尋一笑傾囊市
脯勸加餐南山有雲欲招我清夜聞雨能洗肝明日鄰園乞新
竹呼僮斬取釣魚竿

江上寄懷友人繭公

近代詩鈔

胡朝梁

驚人雄辯雜詼諧偏是中年意興佳得酒便思呼等輩除詩略
不置余懷有時脈脈簾垂地一任青青草滿階美矣江山看不
足何年卜築在江淮

除夕發書四弟

一歲向燈盡萬哀竟夕生衰宗存弱弟遺墨撫吾兄閱世多深
語隔書有哭聲故園人不寐應共此時情

奉太夷先生謝書近作

大化無宿留人事紛成虧誰則無一營而惰其四支孔孟走踈
踈所志扶尫危巢許圖自安逃世絕攀追夫子澹泊人繕節能
自持頗笑腐儒拙欲雪名士譏龍州握兵符留得邊人思拂衣
謝簪組褰裳脫絆羈天下匹夫責敢以無位辭欲躋斯民康似
急其所私不惜手足勞願世無溺饑近聞海藏樓高築東海湄

卅年飽憂患一枕尋軒義甯欲自茲往閉門與時違東山信可
樂蒼生願恐非染翰公餘事薄植非敢窺尺幅寫新詩千里肯
見遺詩中誇緩叟緩叟我所師安得十年勤侍公學臨池別來
再秋風睽懷天人姿

寫義甯師詩竟輒書所觸以呈

大塊噫氣幻萬千上飛下走日月旋詩人能事通造化驅使萬
物歸新篇吾師讀書善養氣胸次浩蕩收百川作詩不須故作
勢却自凌厲橫無前

題溫叟勺湖款春圖

吳子坐我室東隅殷勤眎我款春圖人間何處春可款門外已
報花無餘東風吹絮作雪舞鋪階入硯紛模糊豈知春意忽然
盡恨不秉燭恣遊娛

人日立春餞別師曾彥通兄弟

負手欲何爲高吟到人日眼前春始歸明日君又別

贈陳師曾時師曾自日本歸

陳家兄弟文章伯佳句流傳江海間已嘗讀之爲傾折亦復強
和忘愚頑歸來道氣照人眼可有奇方起我孱風暖日長關底
事荒城月上抱書還

夏居漫興

雙塘之水明如鏡一帶垂楊青可攀得意醉而非醉候遊身材
與不材閒有時嘖啻仰天語消得尋常負手閒幸是中年健腰
脚短衣匹馬好還山

述懷

年年作計隨人後短髮長歌祇自疑來日萬端付之酒江南片

月爲吾私非關早歲思齊物合有寒儒瘦到詩我已窮于孟東
野高天厚地更何之

次韻師曾見贈

幽居正好學逃世窮巷何人來款關物外謳歌消白日尊前哀
樂易芳顏偶然臨水一垂釣早晚開門飽看山與子同生山水
窟卽今飄泊未能還

題姚叔節所藏沈石田山水長卷

我家山水閒生就山水眼看山情無厭臨水意未滿廿年苦奔
迫井閤日以遠擊楫浮大川驅車登峻阪豈無歷覽娛亦嘆雲
物善默持擬故鄉得其似者鮮長卷石田筆姚氏所藏本斂手
百遍看旣收還復展問我胡爲然願一吐悃悃岡巒秀如此溪
流恣蜿蜒彷彿石塘河兩三橫舫扁崖下村人居蓬門疑可款

又如夢中情宛然束身返平居思爛熟及時老絕嘯益切歸田
心可待春作伴姚髻工爲文如山無平衍常言浮山勝要爲天
下選視此遠過之子盍從游宴人情愛鄉土溢美或不免塵事
會有終盛約誓當踐各自滯天涯相期在歲晚

上巳日羅復盦招飲歸旋病減食三日矣告復盦

去年癸丑今何歲又過暮春修禊時五六日來寒至此一千年
後我何之明知結習難除舊兀對春朝望起衰定是寒儒慣窮
餓肥魚飽飯總無宜

清明前一日東石遺翁

猶餘寒裏萬花在不信春能三日晴白日霾雲可無恙東風刮
地總難平逢人亂後仍詩酒憶舊燈前半死生爲問城東石遺
叟明朝何以過清明

積陰見月欣然成詠

春陰十日雨綿綿燈火千街欲化烟如此清宵如此月祇應爛
醉不應眠一廬舊寄雙塘上餘舊居金寸意還追千載前自脫
江湖入京路百無聊賴甚當年

秋日集何氏園亭

霜寒木落雁橫天風物依稀似去年枯竹鳴廊如有訴晚山當
戶自生妍窮途作吏敢求飽乘興題詩何必傳顧我支離親更
老背人偷眼白雲邊

遊西園

暮色蒼然掩夕暉園丁旁睨欲扃扉祇緣詩思澀無似猶自攢
眉不省歸

石遺先生將歸修閩志因獻長句

近代詩鈔

胡朝梁

四

平生散原吾師事亂後歲書奉起居晚交老蒼得陳馬

謂通伯翁風

義師友今所無近作頗邀散原許多出兩翁論定餘石翁論詩
貴自廣蹙國百里毋乃疎又言詩澀味固好鑿幽終須出坦途
奚囊滿挂俊人句一一釐剔如耙梳欲得千金付剗刻常使流
傳在江湖詩事所關吾道細譬之蟲鳴聊自娛然亦正賴有傳
者如翁好事尤過吾翁今又歸領書局眼前寧惜吾黨孤世事
翻復那可料豈必來者今不如但須記取別時面我初白鬢君
白須東風吹寒入鬢鬢柳條欲拂行者車行過江南聞鷓鴣還
家猶及三月初

春夜不成寐得二絕句

錄一

尋常客歸留不得欲挽春光可是難
賸有新詩清似水却緣耐得一春寒

題臧礪秋校史圖

嘗聞六一譏世士盡心文字爲可悲又言攻文樂無厭窮老舍
此百不思政如退之哀書蠹仍自爛漫多文辭兩翁作語皆自
違吁嗟後生誰與歸毋亦人各有嗜欲酸鹹甘苦殊胃脾所好
在此莫能奪明知爲害終不移孱軀瘦小關秉賦家人苦說由
吟詩答以不吟亦且老何如歌詠情可怡爲約月祇三四首往
往枕上偷呻呻下相臧侯於文藝勤篤過我忘渴飢平生斐然
盛述作句法直欲龍門師間爲徐公任校史丹鉛萬紙樂不疲
畏廬老人究史義嘉侯功苦爲圖之徧示朋好有題記以我耽
句宜無辭念侯久病今新愈溯病初起類風痺醫云病由伏案
久根源或在讎校時第一節勞習舒散幸毋兀兀攻苦爲此言
不止爲侯發正可取爲吾箴規安得拋業從君嬉免教世俗嘲

書癡

秋晴

直道秋晴不減春，薄綿暖稱病餘身。
癡蠅屋底頻攢紙，倦蝶花間亂趁人。
不用狂歌驚世俗，猶堪短髮傍風塵。
苦思佳日難酬對，露坐看雲過北鄰。

謝鶴柴改詩

有人攻吾詩，喜如病獲醫。
鶴柴於律細，吟成輒商之一字，稍未安，不厭百攢眉，別去有所見，猶復寄我辭，頗傷結愛，晚得此于人，稀尤望攻吾短言，行期無虧平生友，直諒意不在於斯，養指遺肩背，孟軻之所譏，寡過吾未能，慕義情庶幾。

周越然喪女賢珉以英吉利文書事見寄詩以唁之

昔別君未婚，相念逾一紀，忽寄哀女書，蚯蚓紛滿紙，假彼佞盧。

文說從墮地始女生不好啼舉室誇靜美周睟巧言笑婉孌益
可喜三歲解娛親膝前舞泚泚乞母裁文葆戒兄汚書史日暮
傳廚炊報母爺歸矣凌晨摩兩眼低喚爺起起母懷應有弟吾
行獨眠耳我亦自愛弟非關母愛弛及春一弟生果如女所揣
孰知春未盡女病至於死死生骨肉情莫能究所以自吾喪瑁
瑁名二女連歲舉三子舉子高堂歡私衷傷厥姊珉亦有兄弟君
哀不可止賦此塞君哀閣筆淚如水

送曉愚之官四川嘉陵道

喜君來作閒曹長憐我猶趨末吏班回首舊游渾似夢江南一

角妙兒山

江南陸師學堂在其北相距里許

單騎之官萬里西霜天十倍惜分携嘉陵棧道君須記可似黃

亭到紫谿

放翁紫谿驛詩嘉陵棧道香能說略似黃亭到紫谿

近代詩鈔

胡朝梁

六

李廣封侯慳骨相文翁化俗重師儒憑君問訊灤西老

謂堯生侍御

一簡三年遞到無

題周養庵篝燈紡讀圖

機聲軋軋鐙光寒書聲琅琅夜向闌夜闌鐙寒兒讀苦舉頭見
母不見父孰爲兒父孰兒師母乃一身而兼之責兒望兒成立
耳撫孤豈容有驕子此語微婉含酸辛正如當日斷機人斷機
不斷心上緒百轉千回繞兒身兒今成名母不見何如有母長
貧賤世上貧賤母更慈呼天泣血無母兒

近代詩鈔

侯毅

毅字疑始號雪農江蘇無錫人

別意次劉瓠丈置公韻

疏蓮麗水自菲菲寂寂芳陂事已非誰倩青禽傳錦字難牽素
縷上春機酒邊密意空相約夢裏前言忍更違願著晨風千里
翼也隨歸雁向南飛

絕句答友人

王^{石谷}畫蘇書溫李詩桐城文派夢窗詞咸同以後成風尙吾意
難同肯詭隨

說理雜詩四十首

錄二

腦府孕奇靈動盪構思意積浪傳八方萬物供驅制觸類成感

近代詩鈔

侯毅

一

應離電同其致至誠開金石前賢豈吾戲
心浪或凝鬱歷久未易散推移流大字託物時隱見塵心駭非
常萬象况能幻鬼神六合外聖人存不論

春興

柳綠因風透窗虛映日明象牀尋夢蝶鴛枕聽流鶯舊曲杜紅
譜新茶樊素烹此生何所望合老碧霞城

奉題石遺先生蕭閒堂詩後

蕭閒堂者石遺先生配蕭夫人取真誥語以名其讀書
之堂也夫人秉德懿嫩博綜圖史及沒石遺賦蕭閒堂
詩五言排律三百韻悼之抒哀述往託以長言多矣哉
古未嘗有也毅旣獲讀其詩石遺俾題其後乃爲此遺
之

才福不兩全由來有偏缺賢哉陳君妻恂恂被儒術不徒著靜
好智蘊周萬物宋元稱李管詞曲與畫筆斯人擅雄文浩汗富
作述須眉謝精詣論議徵遠識伏女曹家後千載應寡匹堂堂
陳夫子聲華炳日月嗜古陋湖州論藝卑松雪唱詶詰比肩鸞
鳳鳴一室才福信無雙髮壽宜可必豈期霜菊枝歲寒遽凋歇
可憐五十翁垂老傷折翼哀逝無窮期長吟動泉穴嬋媛三千
言鉅製真獨絕世增伉儷重詩擬波瀾闊萬古蕭閒堂情文同
不滅

題王氏姑母小照

少聞吾父言早歲王母卒汝姑時未字撫我任母職織絲衣我
衣買餅食我食世亂遭流離相携竄荆棘卵翼十餘年恩深復
何極比年病侵尋吾身不可測恐終負若姑旦夕心感感行將

遣汝姉婦事彌吾缺他年汝成人此恩牢記憶吾父語吾時吾
年纔滿七稚子性癡頑未解語嗚咽無幾父竟亡母亦相繼沒
藐藐三尺孤熒熒將安適姑隔千里遙馳書備憐恤姑夫官京
畿召我來冀北亦復衣我衣亦復食我食亦復遭亂離亦復蒙
卵翼父恩尙未酬又荷生存德吾生乃遲暮吾姑又外出吾姑
少時容吾實未一覲始吾見姑年姑年已五一明聰目炯炯清
健神奕奕室懸携女圖圖時未四十將圖比當時弗減舊顏色
迄今又十年雙鬢猶半黑舉案慶鴻光繞膝皆荀薛彼蒼鑒吾
衷爲吾護松柏好待際風雲徐圖報恩澤

近代詩鈔

汪國垣

國垣字辟疆江西彭澤人

寄贈胡詩廬用魯直均

詩道有坦途脫略謝時輩苟能宏遠抱雋發已不逮同光二三
子差與古澹會骨重神乃寒意匠與俗背妙語徹中邊游行大
自在吾子吐佳句意與古賢配理弦三五彈泠泠非俗愛又如
振霜鐘清響度林外手格白題歸賈勇力猶倍吾鄉散原翁吐
語多姿態排冪出恢詭瑰麗遂無對豈其苗裔耶賢者宜識大

送聚廣歸永新

石潭正落琴亭水疑帶蘆溝鳴咽聲潑墨遠天人獨往凝寒小
閣醉初成名場角逐知難值意氣相高恐不情去去巴陵江上

路灘頭徙倚看潮生

時取道
湖南

睇笑一首次天素韻

睇笑中原淚未收
江波日夕祗回流
豈無危論劉中壘
亦有悲歌高蜀州
纔說冠裳通鞢鞞
微聞烏鵲噪
延秋亡何日
飲吾曹事未信
逢人始欲愁

后山詩去國猶能
別逢人始欲愁

阻雨生鐵舖次晨雨霽至羅山

行行糴種看初濕
鴨綠平堤著眼明
輸與吾鄉老山谷
亟搜奇句報新晴

近代詩鈔

江古懷

古懷字伯修號却疴福建侯官人官翰林院編修

謙宣以牡丹盛開招飲中隱齋有詩見贈奉和四絕

錄二

爲愛新年強自歡連朝春酒慰春寒小園共有蘭成賦一著輸君有牡丹

此花新自嶺南來花色嬌紅照酒杯似念舊時賢邑宰移根欣向草堂開

清明日西園以詩約社人飲治亭賦此奉和

臨池猶憶舊遊時課讀餘閒弄碧漪隔院書聲還不斷千年劍氣定何之林花亭角春方半尊酒燈前夜正遲難得良辰兼盛會豈徒勝地繫人思

春盡日石遺師集說詩社同人飲匹園賦呈四首

曉起自窺雙荔園小亭默坐黯銷魂落花滿地無人管啼鳥何
知盡日喧已覺林泉非獨樂回思笑語有餘溫宿醒雖醒心猶
醉隱几燒香晝掩門

八月十六日集沁園

荔支樹下池水清虛堂照水光晶瑩涼風颼颼起天際斗覺屋
外皆秋聲昔年此地不可問過者唯聽寒蛙鳴豈知本富荔與
水園舊名莊已數易主爲今名主人築屋不數楹置酒其上天日

晴滿堂賓客十有二一老說詩最可聽酒酣耳熱夜繼日月色
更比前宵羸月臨池上色逾好風平水定羣魚行羣魚若解說
詩意魚我之樂庶其平

近代詩鈔

周達

達字梅泉一字美權安徽建德人有今覺盦詩存

石遺室詩話蘇堪亟稱梅泉詩相見於海藏樓因稍讀
其近作與言詩極服膺礱石齋可謂能取法乎上矣句
如女唇甘逾飴人鮓賤於醬朝聞逐留後夜報殺州將
江空岸樹微森漫有海意孤筇入鴻陣儼立諸天頂天
意不欲春寫象入淒楚涵濡待自瘳非天亦非鬼閱世
真堪怒生癭勝天猶可擲成盧晚雨何心催日去孤樓
得勢與天爭意筆多近海藏他如修竹欲到天午日不
到地桃源疑可到雞犬在人世眷茲寂寞濱高軒肯相
顧闐然排闥來翻疑纈眼誤傷春日爲高樓斷望遠心

近代詩鈔

周達

一

隨去鳥遲斷峽截天通一線亂山戴日入無邊閒宵隱
几燈初穗薄暝鉤簾月未弦臨水假山有真態欹斜老
樹出新根讀陳子言詩云晉山青入遊吳屐隴水寒於
出塞詩贈衆異云世議輕於吹劍首危邦險似浙矛頭
張羅已失南山鳥飲酒何關北府兵皆工

· 早春巢園卽事

庭院惜情釀晚寒隔花泥徑雨初乾殘梅未褪辛夷坼小立東
欄當雪看

游理安寺憩九溪橋上

幽禽隔竹已先聞衆綠遮天一徑分泉亂知流昨夜雨僧閑長
掩半菴雲過溪未必關禪理聽水真能了世紛早識住山須本
色參寥儻許結同羣

自留下鎮還經花塢憩僧舍

花塢略無花一徑入寒竹不知篠簜深漸覺襟袖綠雨餘嵐翠
活林寂鳥聲肅流泉不出山縈繞澗之曲道人真面壁結屋在
巖腹一龕臥白頭罷磬對寒玉我行困燕趙窘若獸在梏息肩
向雲壑暫領意已足寒山憺世慮返景翳喬木送客一聲鐘窅
然出深谷

寒夜過拔可觀槿園夜話

多晴連日乾泥淖寒樹蒼蒼宜晚眺李侯有園號觀槿定知習
靜甘孤蹈履霜踏月一相過不厭衝寒側茸帽轉巷已辨燈閃
星到門不見畏嗥豹鄰檐寂寂戶半墜街柝沉沉夜逾峭主人
開軒笑相迓淪茗張燈煎沸銚啓牋出示縑軸古遺迹龍騰矜
墨妙

是夕觀宋幅

我亦珊瑚勤網羅對此真慙比螢爝君言盡日

溷鬪闌天弼難脫直可弔簿書遮眼窮鉤稽丹鉛束閣廢吟嘯
持籌已自恥王戎快句何年攜謝朓我言大隱在朝市亂世清
貧那可效送窮莫被昌黎罵求田豈恤元龍誚身閒更冀金復
多一壑能專五侯傲君聞此語口欲哆未過屠門先咀噍宵闌
燭跋不言別藝海縱談喜同調虛廊步履衣欲冰暖室移根花
已窖佇愁清景不可追歸途冷月仍相照

冬日漫興賦呈蘇堪先生

入樓暝色隨鴉翻墮枝殘葉猶打門此中有人呼不出苦吟兀
坐忘朝昏滬西甌脫一片土閒塵草樹如江村且從避兵匿藕
孔奚勞遜世藏邱樊紛紛幾輩蠻鬪觸碌碌餘子蝨處禪我非
違俗俗違我異趨不啻王孫猿飛揚閱世意久倦一壑聊此棲
心魂傍家林館日可涉有山如埴池如盆濠梁得趣不在遠魚

鳥豈必皆鵬鯤唐花出窖姪吐萼晚菘入饌甘連根偶然近局
集朋舊亦有兼味羅雞豚吾曹天許得閑放胡爲桎梏勞骸筋
海藏一樓望衡宇能哀寥寂時相存韓康入市漸無識從知機
泯馴鷗羣獨憐羯鼓能解穢傾聽往往移西曛我雖習懶尙健
步猶堪追逐奔麇麇頗聞生事勝芋栗妙墨能換千絲緝文藝
於公已餘事看取志節凌霄雲過秦有論託奇慨文欲作廣過
秦論論近日
興之理肯留穢筆儕美新乾坤清氣屬遺子道德已足祛黃巾
晴臬風日麗且暄儻來共載尋嘉辰橋頭聞鶴語淒絕坐待冰
雪迴陽春

乘摩托車馳騁郊外詩以紀之

蟄居意苦違簿書困委瑣駕言寫我憂適野庶其可追鋒詔奇
製歎欲飈輪火載客恰兩三跼踏駢膝踝遠樹隨低昂宛泛波

心舸不聞鸞應和卻訝箭脫筈當前失空濶蹴踏起沙堞翻羨
奇肱奇凌虛步貼妥奔車古所戒一蹶測誠叵何如尻爲輿萬
物備於我騫騰雖夙志垂老意已惰聊與適莽蒼倚軫豁憂瘳
買薤露園墓地成賦二十四韻紀之

乾坤方板蕩吾窮將安歸生同弱草輕死共蟲沙微乘化洪流
中委脫知何時永懷荷鍤志已絕首邱思悽悽薤露園鬱鬱虹
橋西賢愚同一邱列塚如耘畦我志在速朽封崇焉敢希願言
得片壤於此魂魄棲縱弗歸先塋差勝委狐狸園葬况古制尙
儉意可師延陵瘞羸博伯鸞傍要離形骸反其根魂氣無不之
憶窆婦殯時霜露更十稔既祔不改卜同穴悲無期煢煢念兩
殤孤墳邗水湄要令依吾傍毋俾強彪欺重門鎖歲蕤野花開
棠梨吾生與愁俱亦與愁同埋天道不可論收束宜自爲無爲

付兒曹龍穴爭撼疑矧余憂患身遲速視已齊鵬告苟未來餘
年且娛嬉玄文方屬草名山待攀躋緩我以須臾遺我以老衰
初春奇燠與小坡念祖仲衡遊半淞園

驅車穿隘衢曲折盤脩蛇入門得夷曠林水無蔽遮城南一角
地亭榭依江涯微惜意匠凡未足稱清華爲山侈疊石礪礪徒
杈枒種樹失疏密列仗如排衙我來及初暄園卉殊未芽乘興
在探梅百覓無一花稍喜挹江光遠渚明菱葭廣堂闕晝靜列
席聯吳娃春服脫茸裘始欲被紈紗勺流引漕渠百錢舟可拏
得趣卽濠濮豈必窮幽遐虛亭攬蒼莽茗坐送日斜

與蘇堪先生龍華看桃花立花下聯句同遊者莊呂塵

日斜花更好樹密雲與低野田久徘徊無言自成蹊鄭矧茲新
雨餘吐豔無空枝入叢迷所向蹋地皆粉脂周晚霞忽變色欲

去翻見圍

鄭

遊騎紛駛春賺取蜂蝶隨

周

春夜雨止不寐有作

雨過月復明飛雲如奔馬夜風盪積鬱露立得瀟灑更闌檐溜
歇餘滴猶在瓦微馨出花氣涼意不可假空庭流荇藻天繪孰
爲寫春月勝秋月灑灑生澹冶神清無睡情靜理契者寡翻愁
朝日出人事復牽惹過眼戀清景徙倚風廊下鄰樹翳深燈知
有未眠者

冒雨遊莫愁湖憇江天小閣

市盡畦涂荒一水彌其缺背江界微阜遙堞露環玦我來值微
雨涼意襲襟褐彎碕蔚菰蔣閒楫狎鷗鷺當年勝棋處際會誕
英傑吾曹非人豪小坐亦可悅家居孰所壞締造愧前列一枰
獨亂局安用計巧拙運移功罪惑定論視斷碣廿年三過此照

鬢喜未雪傷心樓下水曾見驚鴻瞥春波增感逝往事嗟灰滅
誰與話滄桑惟應梁燕說

江華舟中遇霧時鳴汽笛以警來船徹宵爲之不寐

輕舟犯霧行繁角警宵夢孤燈煮遙夜客意不得縱重衾寒可
戀櫺隙覺霜重隨身伴詩卷短榻聊與共維時旁死魄波路黑
無縫葦灣辨漁火炯炯透層霧平生此江水來去幾迎送所遇
無故漚遊景若飛鞚壯心到海盡遠思經秋動賸欲歌嗚嗚流
聲答吟諷

冒雨泛舟山塘遂登虎邱憇冷香閣憶壬寅歲偕張大劍
虹遊此已二十年劍虹墓木拱矣

霜橘勻丹柳糝黃做將秋色罨金閨雨寒重幙垂官閣水曲孤
帆出女牆永憶迴燈聽吳語竟成留眼閱滄桑尋常便有傷高

意減盡風懷未減狂

遊翠微山歷八大處憩秘魔崖作

西山拱京師肅立如排衙翠微據其腹巖壑尤清嘉盧師卓錫處洞戶森豁訝冽風嘯饑虎涸澗盤脩蛇奇石鬼面皺枯樹猿臂叉霜紅隱叢綠奪眼疑春葩縈迴三百曲直上凌烟霞渾河落眼底一綫穿寒沙茲山起太行支脈流荒遐蜿蜒落畿甸餘勢猶騰拏爾來六百載佛宇窮高奢世移龍性改代謝如空花貴人身豈閒亭榭徒增華可憐清淨域車騎盈顛涯帝鄉不可見霧堞棲昏鴉傷高歌五噫弔古聞秋笳

遊香山靜宜園

虛谷天露根木落山坦腹雲林知幾重嵐翠不可撲梯巖構臺榭佳處各爲屋長廊行不盡流水與之曲川原攝吟眺烟鳥沒

寒綠微風塔鈴語幽籟若爲續衣塵感行役暫憇意已足逕欲
擔蒲團來就經樓宿

峰迴境忽異蔽路松栝長西崦背斜日未夕氣已蒼燕郊例早
寒葉赤知雨霜微泉織磴道碎礫明溪牀山僧解世法迓客開
竹房當年布金地選佛餘空場烟鐘沉晚韻冷卉留孤芳不辭
踏葉深漸覺秋衣涼

秋意不可寫寫之以寒泉秋聲不可尋尋之在樹間聽泉復倚
樹我來心悠然諸天梵唄寂微度清磬圓聲聞一時斷相對忘
靜喧安心契微旨奚必逃枯禪亂峰掩頽綠偃蹇趨窮邊長風
遠塞來澹日愁孤懸

春日讀書漫興

寒勒初花意尙慳暫憑丈室乞安般虛廊風掠涼生雨壞壁落

封遠當山舉世不爲成獨往無人可詣是真閒雄文漫薦相如
似未必玄經愧鬢斑

登龍頭渚望太湖作

我昔訪梅入鄧尉還元閣迴寒猶淒漁洋西塞落眼底鏡斂婉
嬾呈蛾眉今來泛艤過管社撇波上下如鳧鷖平湖灩灩不受
唾微風碾出青玻璃涵虛入渾萬古色吐納夕月溶朝暉烟中
縹緲辨浮嶼蒲帆去與鷗俱遲坡陀倒浸石齒齒一半已付崩
雲薶摩崖鑿削見山骨插天積鐵無成虧具區古稱匯衆水包
吳孕越曾何疑渚上有摩崖包孕四字甚巨東尋欲盡日所曬風生濤湧
將安歸伊余萬事坐磨蝎惟有濟勝天所貽巖花洞草若舊識
武陵有路寧終迷橫雲小築盛遊展我來暫止忘疲饑綠簑青
箬若可假浮家更欲隨天隨

題陳叔通所藏江弢叔手書詩卷

江詩苦澀愛者誰觀
槿齋頭始見之海藏揚挹極齒頰漸令舉
世驚瑰奇詩人遭亂例窮蹇善作苦語
悽心脾中興開山幾鉅手巢經秋螻胥倫魁伏敵幽潛晚始褫異軍突起張偏師並時
熊盛亦健者歛手籍湜推昌黎憶從約堂乞殘帙欲覓全豹無由窺冷攤三卷落吾手疑有詩魄陰扶持流傳餘事到翰墨研
牋短幅書春詞陳侯裝襲視球璧鄭叟題字翔鸞螭亦如東坡贊和靖比附東野兼西臺稍嫌倔硬骨勝肉猶喜逸氣行間馳
文人一藝有不朽苦希三絕寧非癡我生于書略無得執筆十指嗟沈椎心聲心畫悟一理固哉妄別妍與媿

緘札

緘札親將密語攜銷魂只在桂堂西秦娥已分身隨鳳徐甲終

教骨作泥百劫難迴如覆水多生不泯是靈犀銀牀一夢無拘
檢又聽花冠翠羽啼

雜憶

一飲雲漿便是仙又隨青女鬪嬋娟何因不畏吳剛斧獨抱高
寒自在眠

珠娘曲罷卸殘妝卅六鴛鴦已斷行錯道孫恩是兵解有人供
作水仙王

已謝年芳更畫眉雲屏一夢至今疑平生未讀金樓子枉效徐
妃半面窺

忍寒寒莽宿中洲離合無端怨蹇修說與蕭郎渾落漠梨花謝
盡不知愁

盧溝橋

桑乾源自溱洧發曲折雲中瀉沙出邑桑乾發源之水經注于代北馬湯湯

遠挾塞愁來流入盧溝更鳴咽盧溝近接春明路終古黃塵簇

京闕馱鈴已自苦淒涼更送行人踏曉月曉月銜山幾度明人

間已見滄塵滅石闌步步昔遊處皺面重尋意悽切風輪一轉

倏成世辛苦黃雞催白髮余年十二從先慙回看家國積

千恨未死傷心向誰說橋頭戍鼓亂津渡橋外蒼山峙環玦詩

人不治江南秋卻走渾河看落日隻堠孤亭一片愁蕭蕭飲馬

傍寒流豈知中有興亡淚注海經天浩不收

自居庸關南口穿八達嶺止青龍橋登長城作

疊翠無盡藏客行忘顛疲奔車銜尾升一綫盤天梯長城攢劍

戟遠脈來安西高瞻若建瓴亘古摩撐犂緬昔閉關代於此封

丸泥設險界蕃漢行旅嚴征譏邇來闢孔道日夕飈輪馳窺邊

絕胡馬萬里清秋淒從知蕭牆憂不在羌與夷操戈搆同室遠
略安所施書生鬱懷抱弔古臨邊陲渾忘出塞愁苦覓荒寒詩
置身入泱莽沙鏃欲刺衣碉樓據巉削偏步窮攀躋日車墜懸
巖低與天根齊君看磧柳旁澹月如秦時

呈陳散原丈

恂恂元季盡儒脩奧廣平生見太邱早羨拂衣除世網真成袖
手看神州

丈於戊戌政變後嘗自號神州袖手人

甘陵鉤黨餘殘籍寶祐登科屬

俊流亂世重名誰得似直將詩筆作春秋

用海藏詩序中語

呈陳石遺先生

皆山聽水兩嶙峋左海而還說二陳談藝茗溪風未遠避兵藕
孔刼猶新官閑客載侯芭酒詩好奴安穎士貧老去不煩祠祿
乞洛中書局自隨身

壬戌十月之望東坡後遊赤壁時也寒月皎然信步野外

有作

後公第十四壬戌十月之望涼蟾圓冷齋無客復無酒夢想赤壁江聲喧坨東閒畝足散策意行不偕分宵眠竿燈街樹入寒望人影在地月在天樓闌隱約峙斷岸屋山復疊橫巖巖微聞巷犬吠寧豹了無露鶴翔飛仙維公畢世困遷謫欲家陽羨愁無田宦蹤遊跡略可攷居黃三載多名篇雪堂來去亦偶爾卻成兩賦資流傳摹圖綴詠播異代文人好事誰能捐我生於坡百不似獨與磨蝎相爲緣歸山誓水負夙諾晚營一壑聊可專百年今夕落吾手况有皓魄同清妍佳辰七月坐放失留待霜夜成追歡平生勝情乏勝具幽憂簡出恒窮年尋常十事九敗興英遊矧復天所慳江山水藻後遜先但餘哀樂過前賢苦搜

陳迹供俯仰多情一笑看華顛

葛雲生師自丙申別後不相見者二十六年壬戌十一月

遇于蔣蘇庵許追話前塵涕笑并集賦此以呈

拊頭少日愧童烏逝影騰騰不可呼
偶話舊朋同點鬼苦搜往事似追
逋聲吞家國千憂積意盡江山一
句無憶共檣燈淮浦夕碎冰流月
過珠湖

偶成二絕呈蘇堪先生

清談馬稍並風流三載籌邊始欲
愁誰喚詩人作重九南疆早

識鄭龍州

先生詩筆至龍州而一變功業亦以邊防為盛時人但知鄭重九而不云鄭龍州何也

射虎屠鯨願已乖一樓天與巧安
排何緣占得南洋路千載爭

墩到簡齋

陳簡齋集奇父先至湘陰書來戒由祿唐路而僕以它故由南洋路來夾道皆松如行青羅步障中今海

藏樓亦在南洋路馳道交蔭春夏之交亦如行步障中古今巧合如此

壑雷亭晚坐

老樹抽陰覆四圍
虛亭倚眺豁煙霏
巖泉嚙石聲原細
林雨沾衣溼亦微
面壁佛應經劫老
刺天峯欲拔羣飛
樓鐘打破塵勞夢
未著袈裟已息機

辛酉元旦作

罩霧初陽薄
爭林野雀喧
微霜明瓦際
瘦雪擁籬根
道豈庚申守
詩惟甲子存
牆東在人境
底用覓邱樊
海日蒸朝爽
樓窗掩宿霏
斗依新歷轉
寒入早春微
皺面愁觀水
全天在息機
未須諱言老
種樹看成圍

正月二十九日雷雨繼以風雪呂塵過語因賦

風緊樓闌更一凭
池波猶澀水生稜
凍雷挾雨還成雪
小閣凝寒漸上鐙
堆案楞伽聊可讀
多生福慧總難憑
餘年已分閒中

老漫羨南窗打睡僧

積雨初晴子實招同蒨農頤瑣龍華園讌集賞桃紅芳已

蕭落矣棖觸影事悵然賦此

春衫漫惜酒痕稠出郭顛風似冷秋一雨洗紅成黯澹千林罨
碧儘芳柔竟隨流水匆匆去卻對吳天脈脈愁多謝殷勤雙燕
子銜泥還傍舊時樓

墨芬招同雨東鑄秋遊靈谷寺

連岡鬱周遭煙際辨叢樹黃茅深沒髀樵徑劣可步逶迤四五
里到寺日已暮堂虛僧語細龕壞佛胛露客來忘世法茗坐卻
供具林花疑遠近醅馥息微度意行撥蒙密藤蔓冑衣履天光
燭幽闇苔氣蒸磻戶荒寒懍久淹閑寂適小住矧茲秋望美楓
荻絢丹素殘陽分雁背魚貫趨歸路笳吹起清哀亂山莽迴顧

蘇堪先生饋武彝水仙小種茶賦詩誌謝

密雲團月出官焙古法已失誰可證爾來滇洱漸撫製揉碾塗
膏飾肌瑩武彝所產獨殊絕露蘂雲芽天所孕陸經裴述漏品
第晚出還推谿勝叢菱喬幹各異質八等強分論難定迴甘
不畏寬饒猛消渴能蘇茂陵病草茶亦自誇逸品顧渚雖佳難
與競政如論書判雅俗婀娜終當輸瘦硬入春病隔苦中滿寒
具堆盤憎餽釘滌煩導壅待疏淪得此何殊甘露贈水仙小種
發珍襲乍覩佳名訝幽靚開緘見面知磊落和介猶存君子性
故鄉野苒供久缺夢想松蘿滿山徑

吾邑產茶歲直鉅萬松
毛尖銀針皆佳品也夷

風別嗜酥酪點亦類薑鹽味乖正老妻解事慎封裹佳客留煎

佐清詠不須隨俗鬪旗槍飄鼎爭看乳花迸

鬪茶多細碎入湯不見旗槍

次韻奉和蘇堪先生見答謝饋武彝茶之作

宛陵論茶區七品詞豐趣博誰與京紛紛圖譜亂人意侈夸色
味崇浮名豈知尤物不可議一握已敵千瑰瓊從來真味出枯
澹詎以魚炙輕太羹佳人佳茗喻奇確魏徵嫵媚吾能評便當
攜銚入深竹斟酌畫意搜詩情龔官陳乞笑癡絕相哀舉贈非
要盟幽人耽吟已苦瘦無取久服求身輕聊將佐讀澆舌本夜
堂破睡書聲清

亂後重登江亭同鑄秋小坡作

劫後誰尋浩浩愁殘陽惜我不多留壞牆山湧滄溟色敗葦風
掀麥浪秋寂寞一龕同茗話銷沈百輩閱詞流人間回首成憂
患翻羨枯僧早白頭

歲不盡二日過靜安寺酒肆有懷亡友貴念祖用東坡殘

臘獨出韻

十年幾同遊愛此面野市黃墟卽桑海擎淚對蕭寺至人澈生
死謂譬得美睡我老尙津梁未了一大事來牛憐去馬辛苦方
寸地萬感入孤顰驚鴉亂寒吹

共鑄秋夜話

驗候微聞雁北翔不關愁處也俚俚夜澄草露能迴影月黑池
波自受光世味奚如茶味醞書燈更比佛燈涼春寒縮手吟邊
好祇惜宵譚與睡妨

移拆日本茶屋以贈海藏樓詩以紀之

遮頭一把茅竹窗窳以紙客來脫屣登敷座各憑几自我此屋
成漸喜識茶理夜燈耿相依聽雨若篷底今年花竹長蒙密上
階祀南巖塞戶牖屏蔽失其美豈謂山可移將毋室可徙久奧
忽得曠引目一失喜稍稍平瓦礫續續引清泚雨足鼃魚生樂

此水中沚華嚴無實相起滅現彈指妄念雜愛憎幻覺吾亦恥
空桑豈無情緣盡去便休楚弓泯得失但願佳處留浮生孰根
蒂住屋如牽舟云何負而趨夜半驚力適藏壑慮不固藏海計
或周階前託盈尺豈曰徇道謀落落數株松鬱鬱百尺樓茲屋
蝨其間蟻垤儕山邱使君昔有居門對江漢流舊燕移巢痕楚
尾今吳頭蘧廬雖云隘萬象資冥搜還君浩蕩心來此盟輕鷗

海藏榜上舊居名也

曉雨初霽偕葉德之桂鑄秋家息庵循丁家山西壩入法
相寺憩樟亭欲登南高峯不果

晴湖明豔雨湖奇我意尤覺輕陰宜涼雲漠漠覆春曉蒹塘行
盡逢花溪綠疇無水麥自潤微惜草徑滲新泥笠蓑耕野已叱
犢人家隔崦猶聞雞南山路入漸窈曲連林墮翠寒生衣笥輿

軋軋若鳴鶻巢禽隔樹時驚唬濃青堆面徑疑絕斗轉石級開
嶽崎樟亭更立修竹杪俯瞰殿脊如承欵神物千歲猶旦暮我
來讚歎真蠡窺靈山標幟賴有汝元氣不死凝霜皮斧斤所赦
豈無意留與造物稱支離同遊但愛枝葉好煮茗坐對忘朝饑
我生樗散定何用材不材際奚從違經聲未得淨世慮翻從寂
寞生清悲頗聞佳處在絕頂中峯峻極懸天梯衰慵初地亦自
足崇高仰矚愁顛危

月下自西園泛舟越裏湖穿西泠橋歸新新旅館有作

林樹樓臺淡無縫霧月溶溶壓波重空明一舸泝流光我與湖
山都入夢平生不識月湖奇直疑世界成玻璃水禽驚起誤天
曉衝煙飛上蘇公堤穿堤波冷浸山足山民愛結水邊屋疏燈
零落挂魚罾知有湖莊人未宿二更涼蛤鳴菰叢露脚吹散因

微風舟行不繫若有繫恰與流月同西東三更欲盡四更轉登
岸打門村吠犬幽人但解水明樓忘卻水輪銜缺嚙

近代詩鈔

奚侗

侗字无識號度青安徽當塗人官江蘇江浦縣知事

石遺室文集奚无識詩序无識所爲詩面目頗近散原
蓋宦學建業有年與散原較稔也然作宰江浦有民社
之責關心民瘼時時無意流露非能稱其境地以發揮
其性情歟

五鳳磚硯歌爲丹徒葉中洽作

葉子得硯五鳳磚摹圖要我歌長篇夸言硯膩且發墨寶之不
啻千瑚璉心筵外物異觀感君方狂喜吾哀憐此磚託始一土
由素質胎孕鴻濛先人窮智力奪天巧烏曹匠作模型全當時
尙質尠華飾容易斲斷銷雲煙澆淳散樸暴秦後搏埴陶旌工

近代詩鈔

奚侗

一

彫鐫販賣名聲紀姓氏貪饕世壽書歲年道在瓦甃無一有謬
欲不朽齊坤乾日以心鬪迕造化山木自寇膏自煎君看殘磚
五鳳二考古不遠才漢宣林華觀鐙靈光石二千年後同流傳
規度材用製作硯百鍊千鍛供磨研山邱華屋屢遷變古物甯
少羲皇前渾淪樸素世莫識一錢不值空棄捐不材幸免役於
物多文曷足全其天硯得知己宜快意與君文字長周旋憂時
微嘆鳳兮鳳守黑更造玄之玄筆耕墨耨隨所便子孫千億傳
茲田

題柳亞子分湖舊隱圖

圓澈心精裹十方空塵隨處足迴翔抽刀不斷滔滔水誰解松

陵與魏唐

湖面數十里南屬魏唐北屬
松陵中分兩界故名分湖

名字非真象亦假隨緣停憇攝心塵畫身畫業畫煩惱爲欠分

湖管領人

九日登北極閣

叢林翳翳掩城阿，延賞寒空又一過。
野氣蒼涼秋日瘦，山靈顛顛劫灰多。
五年抗跡欺雲壑，何處高翔避爵羅。
照景分明後湖水，心池猶恐有風波。

鷄鳴寺

宿昔好遊覽，丘壑結神契。
茲山極幽勝，廿載繫夢寐。
寒衣凌高梯，側足軫一蹶。
履險心能夷，追奇意轉銳。
絕頂招提境，布席許流憩。
朔風寒瀟瀟，白日變昏暝。
陰雲翳遠岑，若挾飛雨勢。
天意戚無悰，不許展遙睇。
岷樓壓城闈，湖水照清麗。
長懷南皮公，坐此豁蒙蔽。
寺後樓張文襄題曰豁蒙
取杜詩憂來豁蒙蔽句意
時會有迤邐俄頃見興

替誌公昔來此說法舌欲敝癡哉凡夫心學佛昧真諦所以六

道中乃有餓死帝空林流梵潮澹靜得禪慧望古審物情何用
惜淫滯

高淞荃先生爲余叙莊子補注賦呈一首

尋常愛讀蒙莊論鍵戶人叢理放紛世且囂然疑此意誰相知
者定吾文蕞殘緒說寧充食溝斷餘生更念羣展卷低徊矜片
語微才真愧負山蚊

雪浪石詩用東坡韻

石白脈黑質約三尺上刻東坡詩字並有吳榮光郭尙
先胡承珙題跋舊存直隸定州蘇公祠嘉慶中流轉入
閩光緒末季閩人某觀察由閩攜至金陵將以餽端忠
愍適忠愍去任此石乃棄擲荒園中亂時爲劉姓所有
而劉旋逝丹徒于君遂以二百金購得之

萬物原始皆阿屯初無巧拙卑與尊和合蛻嬗異形色一一分
別心眼昏咄此三尺雪浪石歷劫流轉蠻方村貪夫裹致意有
待千搖萬兀歸海門愛力相續壽乃久中有百代詩人魂諦視
文理極奇詭如瞿唐峽灑瀨根天吳飛鷁出復沒雷電擺蕩波
濤痕不事彫畫蘊光采真賞寥絕將誰論物聚所好有天幸明
年定見芙蓉盆窮通離合信時變凝然貞性存吾存

審言臥病滬上有書來賦寄一首

李先發藻儒林者分手遲迴七歲年不信箸書天雨粟長愁窺
戶海成田故人消息能窮餓絕學商量見愛憐累讀一緘忘不
得白頭病肺滬江邊

師山春望

此日良堪惜吾生信有涯重煩春媚我失喜杏交花風物新題

詠園池起歎嗟閒閒專一壑未覺鬢能華

春郊卽事

岸草叢青接亂蛙吟鞦無恙趁溪斜春風滿地難收束一尺天
桃已着花

再詠西園海棠

金屋莊嚴願未捐羣芳妖豔汝神仙簿書叢裏回鄉夢貪看春
姿又一年

江孝留出素筵索書近作因賦二絕歸之

二年重見海東陞捉臂長談念所悲蚤蝨蝸蟲天不管爲誰槁
項鬢如絲

九州新語漸紛綸嗜好酸鹹子最親祇恐陸沈到文字高歌寫
與過江人

蛇陀寄示西園散步詩賦答二首

錄一

隱几微吟鬧亂蛙一時肝肺鬱槎牙西園作意妨歸計餉我雙塘白藕花

閏中元夕作中秋于西園賦進同席諸君

中秋借向閏中元布席西園與避喧今夕何年天不語故人無恙酒初溫壯懷漸惜叢殘歲情話能娛窈窕魂哀樂乘除頭易白貪留明月淨塵根

趙繪沈繡之樓觀所藏觀音像

樓在南
通狼山

阿耶婆婁吉低輸梵文聲誼中土無菩薩名號不可說以意翻譯言其粗云何偁彼觀自在智慧徧照窮空虛云何偁彼觀世音度脫苦厄超三塗應身寂滅幾何歲誰其知者能規摹宋元明清迄近代繪者繡者繁有徒一人一心心一相心生差別相

亦殊或則靜如閨房姝或則怪如山澤癯威容或若師子王枯
槁或若窮乞奴八十種好無是處三十二相亦齷齪譬生盲人
說象體杵臼箕帚相歔歛焉知菩薩方便力隨緣顯見黃金軀
名字假有况形色根塵執著寧非愚正象法盡末法初天魔夜
义面模糊金鏹刮我雙眼膜不如乞取牟尼珠

上巳雨

簿書局促客愁新凍雨連空負令辰觴詠難忘修禊事江湖何
限不祥人勾當春色憐遲莫徙倚花枝換笑顰衆綠迷茫客閉
戶莫驚絃管鬧比隣

響鈴寺

入山不見寺入寺不見僧寺僻人所奇僧懶佛亦憎江國多淨
域茲以幽奧稱選勝及政暇讚歎得未曾林木信地力緜密連

岡陵樵采足酒肉醉飽衰氣乘苔壁久狼籍龕室疑寒冰心知
住持人經律無一能暫假如來衣安問雲與仍獨有慈悲泉出
山潤田塍涓涓日不息永使年穀登濟生乃佛理此義誰參承
長歌雜譏評吾亦愧斗升

辛酉守歲作

酸風飄雨漏聲殘宿雪連階燭影寒尙覺啼呼滿郊野寧容歡
喜對杯盤壯懷漸惡仍今夕淺醉初消又萬端占歲明朝要晴
旭東窗揩眼幾回看

芳久寄示種茂園詩草並贈所書屏障以洋河酒酬之

作吏厭塵濁見翁鍼引芥款語平生事積悶得一快翁學萬人
敵橫劍九州隘宦久貧愈奇所至病孤介江南災患餘民生正
凋瘵煩翁嚴隄防搜粟剔秕稗

翁方任

寄我種茂草元氣走沈

瀆爲我書屏障伸紙發光怪此邦富山水尙負新詩債莫詠思
歸引健筆起頽憊世事如博奕眨眼數成敗各持金剛杵坐見
國土壤信去寄一甌翁且破酒戒

翁來書有惡
溼貶酒語

竹峯寺

竹峯繫夢寐經歲到眼初游心不可羈快若清宿逋仲秋氣猶
暄萬綠明襟裾細路石犖确夾植槐柏榆緣陂入幽邃步步天
然圖盡處稍開展廢寺劫火餘法像四五尊瓔珞垂網蛛自逢
種樹人堂空香火無

寺改公
無住辦

誰云佛力強不能庇浮屠

巖根一團桂蔭可半畝麤含芳若有待對撫空踟躕山人敬遠
客頗能具盤盂烹雞飯脫粟一飽賓從俱窮高逞腰脚下瞰村
落疏池塘小杯杓不雨禾自枯減賦能幾何所念倉廩虛滿聽
四山風若雜飢人呼物理無貴賤微命寄耰鋤爽然雲壑心掉

頭成歎吁

十二月初七日見雪

久晴冬向盡一雪四郊驚共說麥根長

根諺

春云

雪臘

爛雪

長麥

根麥

初教詩

思清深杯閒自媚虛室黯能明米賤來年事飢烏常滿城

近代詩鈔

程康

康字穆菴湖南寧鄉人

近於津門刻成塞向翁詩題四韻以貽知翁者

平生師友死難忘
俛仰津門去日長
斷手南豐詩一卷
傷心東野淚千行
夢中相見寧能語
醉裏言歸未是鄉
題寄杜陵諸故舊
浮雲江海日淒涼

沈君硯農爲余作嶽雲聞笛詩卷序甫脫稿遽歸道山
噫威何君爲補書上并許助勘印師遺稿長句志感

經年積慘應銷骨
師友倉皇賦大招
漫約精魂訪圓澤
還將生死問參寥
山陽聞笛人何往
蜀道啼鶉恨未消
獨有王雲知魏衍
后山詩許助編雕

正心
修身
齊家
治國
平天下

大學
中庸
論語
孟子
荀子
韓非子
呂氏春秋
淮南子
史記
漢書
三國志
晉書
宋書
南齊書
梁書
陳書
魏書
北齊書
周書
隋書
南史
北史
舊唐書
新唐書
舊唐書
新唐書
宋史
元史
明史
清史

詩經
書經
禮記
易經
春秋
左傳
國語
史記
漢書
三國志
晉書
宋書
南齊書
梁書
陳書
魏書
北齊書
周書
隋書
南史
北史
舊唐書
新唐書
宋史
元史
明史
清史

詩經
書經
禮記
易經
春秋
左傳
國語
史記
漢書
三國志
晉書
宋書
南齊書
梁書
陳書
魏書
北齊書
周書
隋書
南史
北史
舊唐書
新唐書
宋史
元史
明史
清史

詩經
書經
禮記
易經
春秋
左傳
國語
史記
漢書
三國志
晉書
宋書
南齊書
梁書
陳書
魏書
北齊書
周書
隋書
南史
北史
舊唐書
新唐書
宋史
元史
明史
清史

詩經
書經
禮記
易經
春秋
左傳
國語
史記
漢書
三國志
晉書
宋書
南齊書
梁書
陳書
魏書
北齊書
周書
隋書
南史
北史
舊唐書
新唐書
宋史
元史
明史
清史

詩經
書經
禮記
易經
春秋
左傳
國語
史記
漢書
三國志
晉書
宋書
南齊書
梁書
陳書
魏書
北齊書
周書
隋書
南史
北史
舊唐書
新唐書
宋史
元史
明史
清史

詩經
書經
禮記
易經
春秋
左傳
國語
史記
漢書
三國志
晉書
宋書
南齊書
梁書
陳書
魏書
北齊書
周書
隋書
南史
北史
舊唐書
新唐書
宋史
元史
明史
清史

詩經
書經
禮記
易經
春秋
左傳
國語
史記
漢書
三國志
晉書
宋書
南齊書
梁書
陳書
魏書
北齊書
周書
隋書
南史
北史
舊唐書
新唐書
宋史
元史
明史
清史

詩經
書經
禮記
易經
春秋
左傳
國語
史記
漢書
三國志
晉書
宋書
南齊書
梁書
陳書
魏書
北齊書
周書
隋書
南史
北史
舊唐書
新唐書
宋史
元史
明史
清史

詩經
書經
禮記
易經
春秋
左傳
國語
史記
漢書
三國志
晉書
宋書
南齊書
梁書
陳書
魏書
北齊書
周書
隋書
南史
北史
舊唐書
新唐書
宋史
元史
明史
清史

詩經
書經
禮記
易經
春秋
左傳
國語
史記
漢書
三國志
晉書
宋書
南齊書
梁書
陳書
魏書
北齊書
周書
隋書
南史
北史
舊唐書
新唐書
宋史
元史
明史
清史

近代詩鈔

謝無量

無量字無量四川樂至人

宿玉皇頂

盡日攜筇入亂松獨尋幽徑到層峯
流泉直度峻嶒石虛閣頻交遠近風
夢繞諸天千佛上手探明月衆星中
上方一夜耽禪悅已覺塵勞轉眼空

山寺夜坐命酌示祥上人

禪關縱酒尋常事大道無名不肯成
醉眼直疑天動轉病容扶起夜游行
徑風窺竹流螢散嶺月穿松宿鳥驚
坐久上方鐘磬響可知無事媿平生

· 碧雲寺塔

近代詩鈔

謝無量

孤塔峻嶒俯萬松諸天環抱擁千峯曼陀宮殿經時雨薜荔垣
牆盡日風短夢流年生死外微塵國土有無中憑高騁望愁難
斷祇憶飛鴻在碧空

寄一浮杭州

曙陰高柳綺樓苴遠道春天望日車久許下牀師季智遙應載
酒憶侯芭東峰夜夢吞丹篆北海窮歸隔絳紗湖上漫傳長笛
賦江南空發小園花

龍漢新披薜荔裳休過路室感柔柔小山春盡誰招隱西狩書
成自閉房竹箭玄猿啼大越叢蘭白驥弔三湘年年江海相思
意併入東風長綠芳


近代詩鈔

馬浮

浮字一浮浙江會稽縣人

多士

蒲車束帛數經過滄海明珠費網羅
陶市金夫追范蠡漢廷法吏擅蕭何
鷗鷹夜掠青燐道駿馬春嘶白玉珂
見說蛾眉工自媚承恩近御六宮多



近代詩鈔

程炎震

炎震字篤原號頓遲安徽歙縣人

題向仲堅柳溪詞稿

嗚咽雙江變徵聲少年氣象自崢嶸酒邊贏得家風在枯木葩

華識此情

胡致堂序向薌林酒邊華詞
白以枯木之心薌林酒邊華詞

病篤二字人多謂不祥改署頓遲繫之以詩索諸公和冀

祓除焉

病篤從今號頓遲馬行尙爾况於詩何來大藥起廢疾安得快
車乘小兒沙礫欲甘洮汰後松筠須看雪霜時宋庠劉向皆先

例社錄他年莫漫疑

說文馬
頓遲

答退舟再徵諸公和

近代詩鈔

程炎震

拙速何能勝巧遲知公妙語爲催詩雲山韶濩思聳叟初日芙蓉羨客兒古錦嘔心徒自苦金丹換骨料無時病翁從此長稱病木瘦犀通更不疑

題簞公千巖萬壑圖

山人本自不厭山誰令塵土凋朱顏先生胸中幾雲夢怪底腕下皆荆關孰知此境絕非幻有不得去當忘還題名片石許分我共汝長留天地間

我家只在漸江上茅屋秋風問無恙雲閒便作九疑青雪吼渾如三峽浪一重一掩忽當眼某丘某水坐惆悵安得黃山音樂鳥喚起歸人著青嶂

題郎世寧聚瑞圖

清宮寶宋匄赫如六尊彝古物知在亡圖畫猶見之長頸蟠其

腹抱珥如重規九秋風露好雨過天青時夫渠旣豔發嘉穀亦
離披駢華復同穎蓮葍珠纍纍問誰能爲此海西老畫師奪胎
疑柴哥沒骨非徐熙今此挂屋壁昔亦參書帷孰者爲得所詠
歌重嗟咨庭前五石甕去聲晶瑩去聲黃琉璃魚游便千里渺有江湖
思相映足佳趣佛日生涼颺牛居園且啜蒙頂茶何必定武夷

...

...

...

...

...

...

...

...

...

...

...

...

...

...

...

近代詩鈔

周貞亮

貞亮字子幹號退舟湖北漢陽人

題賀篋公千巖萬壑長卷

世外桃源別有天人間何處此林泉乞湖若準君家例來覓溪
邊二頃田

一棹涪陵紀壯游飽看山色聽猿愁披圖恍入當年夢三峽江

聲萬里舟

僕早歲曾
爲蜀游

仙山濯髮圖爲路金坡題

西臺慟哭謝臯羽南渡淒涼汪水雲一曲滄桑人已換湖山晞
髮又逢君

病篤改號頓遲有詩索和戲爲俳體

走筆由來最忌遲病翁此號未宜詩果然李嶠真才子何必楊
脩不小兒大藥間逢醫國手朽株亦有困人時請君細究乘除
理意外災祥漫自疑

前和頓遲改號詩頓遲復次前韻索諸公和再依韻奉答

一首

頓合超騰漸乃非幾曾佛諦異于詩卻題醉墨楊風子又試新

歌李雪兒易號已過更代日乞名剛值早春時

白詩
日月
新年
乞逢
名吉
時

星雲咳唾尋常事莫更金門賦抵疑

近代詩鈔

賀良樸

良樸字履之號簞公湖北蒲圻人

嶽蒼湘碧圖爲陳翼牟題

東南天柱崇宛委七十二峯排雲起九向九背勢廻環影落湘江一帶水湘水澄澄涵遠天望衡九面愁風烟猿啼鳳去竹迸淚水妃淒怨鳴商絃昔年我走長沙道芷葉蘭花入懷抱嶽雲湘雨爭逢迎如此江山行處好而今景物知何如原野川澤看模糊豺虎揚塵爪牙利蛟鯨跋浪鱗甲蠹十年瀕洞天胡醉霧鎖南荒日陰翳武陵無復問津人洞庭不是張樂地我呼元夷叩九閭一洗氛瘴淨乾坤嶽自蒼蒼湘自碧樵歌漁唱天爲春知君此圖寄遐想故鄉巖壑供俛仰何時把臂共君遊一棹扁

舟恣來往

Vertical columns of text, mostly illegible due to fading and bleed-through. Some faint characters are visible, such as '舟', '恣', '來', '往' in the header area and various characters in the columns below.

近代詩鈔

向廸琮

廸琮字仲堅四川雙流人

題簞公千巖萬壑圖

苦向溪山認故吾壑幽巖曲望中殊何當更乞雲林筆爲寫聽
猿泝峽圖

故國尊鱸負舊盟十年辛苦寄王城若爲乞得孤峰住聽水聽
風過一生

武外編卷

川卷

苦同築山臨對吾學剛嶺曲壁中觀何當與公雲林筆餘案據
雙水湖圖

眼養公千蓮萬壁圖

眼莊幸特望四眼雙齋人

眼眼集

武外編卷

近代詩鈔

張朝墉

朝墉字白翔號半園四川奉節人

壬戌人日集成君澹堪寓齋卽用其哈爾濱寄都門吟侶
韻

燕郊車馬日西徂塵滿征袍雪滿鬚蝴蝶南華漆園吏胭脂北
地酒家胡山逢木葉思邊戍人對梅花憶老逋我自飮牛君牧
馬天涯一樣客星孤

青天蜀道杜鵑哀老不還山燕雀猜蝸角功名成糞土雞林名
士幾詩才高齋讀畫鰲鐙出古寺敲棋鶴夢回垂老無聞甘速
朽休從爨下覓琴材

近代詩鈔

成多祿

多祿號澹堪

題孫訥夫先生畫冊並佛雲石圖

個中三昧近迂癡偶仿山樵或過之自有元人衣鉢在不須崇

拜麓台師

太守畫法逼近元四大家或以爲師法麓臺誤矣

投袂從戎筆已枯窮邊土室困忠軀猶留幾片青山影傳自烽煙戰伐餘

漢書卷之...

卷之...

...

...

...

...

...

...

...

...

...

...

...

...

...

...

...

近代詩鈔

黃維翰

維翰字申甫號稼溪江西崇仁人

題仙山濯髮圖爲路金坡

洗耳當枕流礪齒當漱石何處有仙山濯此髮千尺予髮亦種
種苦爲塵俗潰愧彼衝冠雄奈此飛蓬客展卷心悠然萬感忽
冰釋願從物外游重尋夢中迹

卷八

黃

黃

黃

黃

黃

黃

黃

黃

黃

黃

黃

黃

近代詩鈔

陳樵

樵字友漁號笑士福建莆田人官福州推事

桑溪紀游

未晴曾訪塔江寺將雨又尋桑溪水天公似有意弄人游興不
酣必中止遷迴村路未見溪恍有溪聲隨杖履兩山屈曲夾溪
流溪流如腸石如齒小石圓潤雜沙堆大石縱橫臥水涘茶甌
酒榼任安排長者可席短可几剗苔剔蘚見題字文人好事石
爲紙寒泉遙自鼓嶺來出山十里清如此止水照天明鏡開短
瀑無風雪花起雲犁水碓本尋常點染溪山分外美吾鄉風景
亦殊佳門前日對楓溪泚溪口有橋鎖名山九華紫霄相對峙
祇爲兒時常釣游怪石深潭等閒視昨宵有夢見鄉關今日之

游當歸里桑溪久作蘭亭看
實自閩王觴詠始
相約明年暮春
來欲脩禊事先洗耳


小除夕石遺師招飲直園賦謝

梅花香入著書室
松筠似灑如椽筆
大河長江健游還
舊學雄渾更邃密
自編食譜授庖人
間與後生講詩律
客來一醉多嵇阮
地拓三弓樂衡泌
昔曾法源祭后山
屈指今年又此日
將春桃李滿門花
淺白淡紅色非一
階前尺地容山樗
春風扇物毋意必

題濤園集後

同光閩才森詩豪
公格如松韻如濤
烏石山頭天風號
左氏爲海蘇爲潮
詞源浩浩流滔滔
劫塵起汚舊錦袍
閩集義熙繼屈騷
鳴其不平調乃高
黔中佳什世外逃
騷壇將畧失豹韜
西南

流落不可說天公意者爲澄淘公有名園集俊髦常假滯公
有良友教我曹常聽石遺題公集後學揮毫小舟滄海撐短篙



近代詩鈔

蘇南

南字幹寶號安民福建南安人官陸軍上校

石遺師招集匹園餞春賦呈

天地造萬物四序迭相從春氣始萌動百卉舒青紅繁華如轉
燭二十四番風或愁春盡日今年春已終不知造物意春固無
終窮不使浮英落安得綠陰濃偉哉迦陵叟筆參造化工海嶠
開汐社說詩屈羣雄偶借餞春酒持示奧窈衷初學尙詞藻敢
言風雅崇隨時悟運用詩教可貫通我作餞春詩悲感悉掃空
舉杯頌春德四時春長融衆芳各挺秀千叢復萬叢冉冉遍天
涯纍纍結實豐採擷薦明神明神不言功

梅峰鐵庵招集龔氏環碧池館次梅峰韻

近代詩鈔

蘇南

一

故家邸第多名園龔氏園林著城北梅峰鐵庵兩詩人雅集移
樽借環碧凌雲松竹散空青映水簪裾浮大白含真早達擁旌
旄仍向名山爭片席雙驂園與芙蓉島文采嘯歌頗自適當時
勝概擬平泉身後詩名傳烏石童年驚謂天上人此日始爲園
中客嗟余薄宦任升沉萬事輸人合守黑南華一卷深掩門爲
聽說詩深動色多生結習笑難除又逐羣賢弄翰墨佳晨勝地
與招邀笠屐追隨不須逼酒酣莊諧雜次生笑樂陶陶期永夕
尙期挈榼入雙驂名山到處留吟迹

社人假于山戚南塘祠爲石遺師補作生日

人間何者堪爲壽立功立言均不朽著述等身石遺叟江海歸
來已白首隨身書局筆在手同佛生日與佛偶諸生趨祝何敢
苟平遠臺高出林藪戚公祠宇隣其右同人借獻先生酒醉石

留眞復奉卣戚公當年殲倭醜功庇七閩民父母策勳飲至于
山阜倚醉摩崖泐蝌蚪立言立功何分割正傳戚公以傳後先
生戚公合爲友型範諸生得秉受他日各抒胸所有

仲純得教育建築彩獎讌客戲呈

詩人命窮困我初謂不然天地育萬類豈偏厄豪賢吳航董夫
子斗酒詩百篇我才必有用不問囊無錢天公助豪興巧使多
腰纏紫標與黃榜爭彩人駢填夫子壓萬衆獨握金兩千一笑
招儔侶勝地設瓊筵烹羊何肥腠炙鯉何生鮮殷勤數行酒不
醉毋言還起爲夫子祝送窮開其先從此我輩人賦命咸變遷
飲酒而食肉哦詩到華顛咄彼六一翁持論毋乃偏

社集沁園分韻得南字

尋幽攬勝意共妯一丘一壑窮躋探沁園僻在烏山麓古荔百

樹籠湫潭我來八月十六日西風颯颯波拍滄米倉粟廩對偪
側琳宮紺宇旁錯參烏峰倚空鬪蒼翠奇卉遶徑飄醲醢風流
林李去未遠遺蹟猶著城西南移尊近水日向夕舉觴待月瞻
煙嵐須臾樹表條一白玉盤冉冉浮蔚藍寒光瀉天露欲墜明
河浸水星倒涵數聲嘹唳新雁過草際百蟄皆齧齧悵然停盃
起長嘯此身久自逃狂慙伊呂管樂匹夫耳學不濟世非奇男
林李生逢盛平世觴詠山水留美談百年園林付榛莽至今鋤
刈勞鑿鐔禪居官解互侵占幾無餘地存詩龕文章傳我有難
恃武功輸人甯所甘狼煙滿地孰爲掃驚心華髮垂毵毵於戲
華髮垂毵毵如此歲月余何堪


讀友漁勛夫來詩奉答并東西園

莆陽林子風雅徒餉我荔子與荔奴介我友漁與勛夫荔子荔

奴天下無友漁勛夫德不孤西風棘院桂兩株繁花盈樹金屑
敷飄香馥郁襲杯瓠友漁對客撚吟鬚涼月皎皎墜西湖湖亭
雅集簪履趨喻情抒景各操觚勛夫探驪得頷珠庾清鮑俊誠
非諛荔子荔奴爭鮮腴使我一讀三嗟吁

桑溪

未知溪流處先聽溪流聲山迴忽見溪奔湍何澗澹溪石列嵯
峨洶湧如吐瓊褰裳俯溪流眺詠適我情



近代詩鈔

林黻楨

黻楨字肖輪福建侯官人江蘇嘉定縣知事有北征感

秋等集

石遺室詩話肖輪為文忠公曾孫少喜為詩饒有才思感秋一集皆悼亡之作尤見淒厲他如宿塚莊云嗟彼圉人鼻息喧生與驢馬為朝昏車中云饑驅得饑饑復驅語特名雋

悼亡十首

託根等勳閱結髮為世親當年踵歐蘇海內名婚姻余兩姑戚

壯節公少子和之太守即外舅也壯節與先文忠義歐蘇師友道

約世為吁嗟兩孤雛接翼良苦辛平生高司徒絕代溫太真功

近代詩鈔

林黻楨

一

一

名既已隘佳俠何能貧昔爲窮林鳥今逝活水鱗憶語不可述
遺挂胡爲顰餘年縱荒佚未必傷吾神

孤鴻聲徹天寒月浩烟水下有窮居人婦亡弟復死

婦亡匪月
得五弟閏

中夫婦中表親兄弟各孤子譬彼同根枝枝已如此世人
作哀劇一慟行可已如何痛定時餘酸匪肌髓

閉房一念哀蓋棺百憂釋並無塊肉遺寬此馬牛役冥心事齋
奠觸響疑魂魄衆僧蠅蚋聲居士龍象力行當掀劫波通彼人
天驛虛堂飯僧罷焚楮日將夕

薰鑪寒灰久琴筑承塵多依然此室中夜氣慘不和朝來自檢
理盈箱分綺羅安得去年春典衣供瘦蛾病中厭操作細事真
煩苛艱難及身知影事隨人過寶此篋中香歲歲當摩挲

佳人或再得智婦不可求勝人常在深制外利用柔屢空能起

予相對忘百憂遂令龍性馴未覺雞口羞南中二三載轉徙無
時休巧炊既不易困學何所謀燕生夙歲肆業務本女監吁嗟盡瘁身一瞑
當自由

忽忽一陽至悠悠秋士悲形形既不接物物咸可思當窗破脂
盞壞榻舊履綦枕函斷釵在繡棚半線垂開奩見枯管發篋如

亂絲蚓畫不成字鵲啼微有詩

婦初嫁已能小詩遺稿無多附刊先慈陳太淑人聞妙香室集

中百態皆天徵千粧無俗姿信如琉璃脆護持乃至茲曇花更
何劫生世空相期

高明合沈潛剛健含婀娜信哉趙管言女中常有我見心豈無
間曲意或相左從知怨卽恩未覺因成果少年不更事天情猛
於火中欲罷不能千絲自纏裹近來信斷緣慰藉無一可忡忡
本善懷懨懨但深坐枯蘭早凋謝死福而生禍哀茲趙州僧曳

鼻復作麼

簌簌園中花未開已愁落悼彼如花人既哀還復樂貧家有豔
妻信乃不祥物坐令百鍊腸宛轉爲渠屈平生不自愛訣去棄
余獨死者良不仁皇天爾何速

鳥孤思舊巢花落厭芳陌故鄉可哀地所念惟江宅船官昔借
居魚鳥分一席雲鬢帶山春玉臂圍江色長年粧鏡中萬事酒
杯側竭來事升斗方寸日勞役迎門有歎聲四壁空交謫佳時
與清景稍縱不可得小山叢桂華孤影忍歸息

影堂

憶曾擁髻論生死纔共看花道盛衰惘惘但如秋燕去寥寥彌
覺夜燈哀往如可諫吾何憾心不能傷祇自灰睡起嗒然成獨
歎影堂斜日入幃來

虛室

虛室鳴鐘慰客孤，將家爲旅夢纔蘇。
殘秋雨挾新寒至，遙夜心如落葉枯。
魂魄不來應有怨，鷗波已誤更何圖。
平生縱有山僧癖，能聽哀蟬一曲無。

市橋晚步

局門聞鼓觸殘悲，惻惻寒鴉欲暮時。
橋影淡隨雙槳去，湖光閒與一人期。
霜前風貌丹楓老，秋後情懷弱燕知。
便欲酒鑪埋骨去，楊枝檀板更淒其。

桐湖卽目

木落天低霜滿湖，晚鴉商略掠平蕪。
行人踏槳歌雙板，老子持竿領百鳧。

虎邱晚眺

近代詩鈔

林觥楨

三

羣鴉穿塔戲斜陽
列竹成陰界水光
獨立荒臺人不識
山花和雪作天香

戊申歲暮

分明臘鼓數聲哀
惆悵江梅一夜開
老女傷春偏自諱
才人向佛總難灰
人間萬里回風至
門外當年好月來
獨有蛛絲能作祟
等閒塵網舊妝臺

雪中登羅星洲小樓

傍晚湖樓擁雪杯
寥天墨墨起鑪灰
恨人到處常孤立
野鳥離羣獨自來
阡陌撒鹽分上下
帆檣飛絮共徘徊
眼中饒有高寒意
欲向橫波誦七哀

十三夜月

荒村誰抱夜珠來
斷井頽垣照一堆
能入世間千種意
始知明月

月是天才

道出桃源就拔可衙齋餞歲有懷吳中

家居卅五年天涯一除夕向來持客觀所往卽安宅桃源有故人蹙蹙騁前驛暮從風雪來酒面洗寒色居停信殷摯倒屣出迎客坐看縛於菟談笑理繁劇平生補天手遲暮稍可惜惟堪就君床鼾臥定魂魄堂椒發古香庭爆起霹靂歲華倏然落百感祛一積驅車望河嶽萬象在咫尺不歸對妻孥夜夢尙交謫五窮真吾師如願會有擇寄語南中人春寒好將息

雲谷泉

老龍抉石髓破壁爲孤泉持禪問初祖意在明鏡前胡爲守一壑衆蘚猶相緣淨綠豈不媚人悅非天全佳哉吾中冷蛻去三千年傷哉惠山子湯火徒憂煎願泉返虛寂無留照嬋娟誰能

近代詩鈔

林黻楨

四

薦秋菊爲爾彈水仙

乙卯上巳十刹海修禊分韻得不字

昭明累人作寒乞莽莽繁愁無可祓高旻未厭過口才杯酒青
雲盛文物當年抱冰愛國死老柳彌天猶鬱鬱只今涕淚向誰
好馬耳春風自披拂樓臯酒罷看淨湖湖上朱門斜日靦何人
送老解結茅惟見談空多學佛豎儒秀句久已無但到幽燕稍
奇崛平生自有永和天隨例作詩吾欲不

近代詩鈔

章廷華

廷華字黻雲江蘇江陰人官南安縣知事

九溪雜詠

鳥道羊腸外天然水一方族居千百戶犄角十三鄉地比雄關
險人依土著強詳稽開始者頽白亦迷茫

近感呈荔龔

花縣沈沈水不波簿書高共筆嵯峨民從寇退鳴官少邑爲兵
驕設備多部勒虎胥難似將剔除苛政苦於魔從知瘴雨蠻煙
地未合吾儕捧檄過

小園晚眺

小園春到否挈僕當呼朋試綆逢枯井栽花障薄冰寒生歸樹

鳥雲護在山僧驀地鄉愁起詩來也有稜

小詞

賦朱台

...

...

...

...

...

...

...

...

...

近代詩鈔

謝鼎鎔

鼎鎔字治盦江蘇江陰人

題匹園

闢來亭館足秋聲聽雨看山句又成半畝小園工結構一春池
水待量評移花已慰栽培意疊石應鐫弟子名如此閒居良不

惡匹夫端合傲公卿

自作園記有匹夫匹婦云云

近代詩鈔

黃履思

履思字曉浦江西南城人諸生官福建推事署平潭縣知事

月夜湖上雜吟

往來人趁月中行月向遊人稀處明白鷺一行依水宿有誰知爾此時情

水際歌聲分外嬌畫船爭上臥虹橋何人暗送殘鐘至驚破小紅月下簫

讀五代史

君臣一體許新磨國計何妨問八哥若論伶人供奉始不堪回首百年歌

內府空頒鷓鴣卮是兒未易受虛糜登場自號李天下却在朱
梁未滅時

秋眺遣懷

五載天涯困抱關秋來獨羨片雲閒生逢叔世才宜斂人到窮
時語可刪林木不嫌霜後色山光大似醉中顏憑欄莫問東溪
路烟水茫茫夕照殷

中秋湖上懷滄粟冶盦

雲山西望路迢遙雁影翻空淡欲銷湖上論詩曾幾日天涯踏
月又今宵似聞黃蝶愁無逸誰遣烏衣惱孝標歷歷鄉風應未
改可能輕舸傍高橋

南昌士女喜于今夕
撫高橋石柱爲戲

近代詩鈔

龔乾義

乾義字惕菴福建閩縣人

題石遺室小池

鳴禽習林樂遊儵愛水深宴坐觀化者眇眇洞此性方庭不可
樹一勺聊寓興欲從古井瀾視彼潛鱗定畚鍤戒經營廉隅好
端正卦數占縱橫池縱橫八尺古度準分寸尺準周度形取玉水方止兼

仁山靜永謝跛鼈入亮無青蛙聖見小論增減源長足浥潤一

滴海可味尺渾德愈瑩是知物無小意得境斯勝主人障川手

袖中藏溟滓如何老歸來坳堂理清漢出緒自作賦粲發交輝

映偉詞餘千言修綆貫九仞山桂緬劉安園菜吟庾信未讀先

已快懸知走不脛先生賦小池餘千示鄰魚何足求饋生聞尙靳

近代詩鈔

龔乾義

有琴可無絃有臺何必鏡但得之濠上儘看星涵泳

悅明齋夜坐試宋樹茶

窗壁泠泠燈照暝飫我清言首屢肯更呼壚火沸芳泉細淪甌
瓷試精茗入口初然似平淡竄趣疏香未教領元氣輪囷徐有
覺卽漸純深耐循省蠲煩達滯非峻利渴已甘回彌雋永籠加
世上徒紛紛饒與龕材論戇猛傳云此樹火宋遺霧露封滋老
巖頂山僧悶惜不輕出一片欲抵金一餅文雖無徵理倘信尋
常故乏此殊稟胸腸塵土久堆置湔祓致足愜幽屏年時漳海
記行役載道秋陽渴生瘦彎環數里見山家葦箔松棚輒造請
壚銚往往具精意斟酌區區限豪飲驥奔鯨吸未渠快却漫誇
賞覲頻引此時靜坐得徐啜細論功夫儘題品桃笙葵扇貴所
適卽事回思真一晒何夫子少日相於今老矣汲古閱世養虛

盍著眼千秋辭愈美道腴韻勝味不盡比似茗柯有神理更點
漸動微雨散久妨供課亟當起街泥濡滑步何輕餘爽開心導
肢體

壬戌七月十六夕石遺三丈同梅生損過山齋遂至夜分

奉呈二首

巖處百不適非詩自人窮唯日鑿山色復次月與風羗無俗士
駕乃奉高賢踪七月夜既望亦有佳客從江上不泛舟訪寂闢
蒿蓬媿乏斗酒儲倉卒無一供又不擅長笛吹徹雲重重雨聲
遠疑潮隨颺度寥空燭滅語方縱精理開凡蒙刺船渺烟海鑿
幽壑芳藜十年味空馨道腴茲涵胸壬戌屈指幾勝遊追元豐
赤壁渾不似承天將毋同借非屏居覓此樂烏由逢

山館幾清秋人閒乃今夕兩賢一不肖各有癖來迹松竹半枯

療去日那容惜衰盛理固然但怪景特急聽公溯家常昆友夜

促膝抵掌上下古樂事嘆莫匹夢楹感哲人悔痛中心臆殺身

不可從脚碑終罔極石泉岩扉間石泉岩詩語也羹牆見一一

瓜果會不嗣卅稔駒逝隙歲丙戌先師父就園為瓜果會命子弟即事

賦七言律一首而甲乙之今三十六年矣作天開伊川門夜雪幸

與立晚學古有之志道倘終及雨餘山意涼石磴苔髮溼歸篔

度林樾燈影晃虛碧闌檻四更初獨悵清輝溢

如歸

滿湖清雨濕人衣好景須臾散
益嘗別于... 鼓... 下... 詩...

近代詩鈔

朱聯沅

聯沅字芷青浙江海鹽人官學部小京官早卒

花朝後一日石遺師招同鬯威仲毅次公秋岳集小秀野
草堂限各賦五言律

樹閣花朝雨杯分秀野春詩圖翻主客茶夢破天人數子湛冥
意高齋清淨因乾嘉舊風味一往動心塵

和石遺師韻

槐街一片月人海照清尊閱世東京錄排愁北夢言髻絲憐杜
牧斗酒狎齊髻夫子風光主郎潛漫共論

秋盡

人生隨分見滄桑萬態相驅入老蒼孤枕愁來天浩浩短籜秋

近代詩鈔

朱聯沅

遠日堂堂香殘撥鼎憐灰燼酒熱停杯惜肺腸
賸向春明題夢錄十年千劫百思量

園夜

剗地風埃夕夢沈彌天哀樂一鏡深華年已負
峻嶒骨皓月微窺玉雪心了了餘生拚幾屐
茫茫塵劫纍千尋元知憂國非吾事忍淚還
搜漆室吟

春夜

辛亥作

獨持一種蕭寥意強與人間旖旎春轉劫鶯
花飛過眼環鐙啼笑總傷神鈞天夢裏匆匆
醉石火光中事事新可惜風流渾不似鬢絲
愁對月如銀

臘月二十三日獨游斜街花市感賦

爲愛斜街特地來暫憑馨逸洗盆埃殘年雪
意連髡柳小市風

光入綺梅劫後重游殊自憫花前萬念不如灰草堂舊句吾能
記夢裏春明總可哀

廣慧寺視亡女祥琳遺榭感賦

而翁入世百不可宿業遷延到汝身汝死儻歸清淨土而翁猶
是亂離人一棺觸我彌天恨萬事從渠過眼塵廣慧寺前斜日
裏惘然家國入孤顰

病起示文農

病起真如隔世人竭來重與世緣親火風已歷三禪劫露電仍
留一粟身瞎馬深池行更怯浮雲蒼狗幻彌新江湖煙水連宵
夢何日從君理釣綸

同宰平衆異游種植園次衆異韻

世事元非我輩勝

陳句

俊游復此愧賢能騰騰坐送千春盡汎

汎還同二客乘流水棲鴉如夢寐斜陽煙柳自衰興桑麻把酒
平生意可奈谿山買未曾

夢回一嘆

一歎推書重惘惘牽腸哀樂兩難申浮生頗惜須臾我古意空
憐絕代人如此夜光花獨秀未來春夢月同新元知世法堪消
遣底奈觀心隔幾塵

夜遊公園凭闌得句寫質宰平衆異哲維諸君

風埽橫飛夜向沈池臺孤賞意難任華年已負峻嶒骨皓月微
闕玉雪心了了餘生秋一舸茫茫來日劫千尋元知憂國非吾
事却望中原忍淚吟

中秋和哲維均

心情零亂不成絲勝絕風光爲解眉閱世夢空難駐影閉門秋

好只吟詩清尊兀兀成何事大月茫茫接所悲銷盡人間兒女
意十年今夕負芳時

呻吟

呻吟求病獨何腸散髮孤行亦太狂世法祇宜同草草天心空
欲向茫茫捐書自喜聰明減無夢粗憐體氣強一室掃除無事
了疎尊閒酌晚花黃

正陽門站候汽車不至默坐有作

風埃逐逐羌無故暫倚胡床數去程冥想遙隨車轂轉曉寒纔
稱袷衣輕孤行却曲吾知過萬態低昂各有情袖手微吟還棖
觸榴花時節負春明

游二閘

放棹行行雨乍殘臨流濯髮覺衣單少年裙屐成孤往斜日筇

琴稱獨彈此意定隨秋水遠微塵併入暮雲寒呼魚漫斲商杯
酒物外偷歡最是難

睡起

稍從寂寞養天真睡起怡然一欠伸祕笈偶箋清異錄頭銜自
署太平民微吟淺醉能中聖澹月疎筠最可人照影池波索雙
笑此懷惟有白鷗親

贈穆恣

述揚先德通家早流轉京塵識面遲執袂悵然千種意傾囊各
誦十年詩風波入夢今何世冰雪論心得所師生死天涯傷氣
類爲君神王一軒眉

感舊

小謫華鬢幾折磨十年流恨滿吳波津橋又見青春柳風絮彌

天奈汝何

鏡煊樓畔月如塵絮語滄桑各愴神莫唱念家山一曲尊前同
是夢中人

端陽後一日小集法喜龕寫上鞦韆

北秀南能證妙因棲禪法喜是天親一龕花雨光明地着我修
羅歷劫人

捉鼻微吟意惘然紅樓燈爇晚涼天覆杯粗說揚州夢已換滄
桑到酒邊

其與... 意... 辭... 天... 林... 世... 世... 日... 劍...
 筆... 賦... 人...

正衣... 南... 翁... 德... 城... 劍... 蘇... 刺... 慈... 喜... 風... 天... 盛... 一... 齋... 菲... 爾... 光... 即... 誰... 善... 處... 道...

最... 中... 人... 一... 所... 居...
 天... 地... 心... 神...

近代詩鈔

沈復

復字墨藻福建侯官人官揚州鹽大使有養碧齋詩

石遺室詩話墨藻詩久覓不得近忽得之句如山鐘流

韻遙穿樹簷露吹香暗濕衣天好似催燈上市人歡休

更酒論錢日元政簡定饒官舍樂累深多恐俸錢虧紀南

喜之官寄名山有約知難踐寒雨如潮尙恣傾四野峯尖雲

漸縮千家屋頂氣如蒸佳禽籠濕思高曬健馬泥鬆好

遠乘曉久晴雨衆妙天教幽者領一時情向箇中忘細看面

瘦身仍健爲慰途遙意未慵常有景光憑意至不妨世

事與心乖皆有思致

宿橫濱六橋樓

一水潺潺旅館前水聲隔枕只驚眠
晴明門外聞行屐絕似家
山夜雨天

望月有懷狷生因寄

太息槐黃信又更今年會合定無成
身非形影原多別交入肝腸自有情
愛我何妨書屢寄思君常覺夢相縈
小樓風月真堪賞不遣同牀坐到明

復生二十有五月先君見背音容莫憶
矧在遺文稍長多方檢求終不可得歲辛丑七月石遺舅氏避暑舊濤園復偶以先君軼事爲問舅舉先君病妻得林字絕句云一病纏綿直到今十年琴瑟感知音憐他鶴子殷勤守悄對藥爐月在林傾聽之餘喜極轉悲灑涕依韻賦此

誌哀

先集堙淪不自今外家猶繫廣陵音誰知一入孤兒耳只覺悲
風夜滿林

自金陵歸揚州小江輪樓上坐月至曉

風帆擘潮流海夜晴亦雨平生狎駭聽微心終無取長江莽空
闊勢亦無涯潏視海將毋同洄沓終媚嫵天秋氣始高圓月復
亭午我舟渺如葉飛檝快一鼓桅煙迸萬星散作龍蛇舞岸明
樹更低江寬天欲俯瞥然有所見浩波過迅羽可憐同舟人既
多難爲伍獨月遠相隨孤客差少苦明日維揚城散愁酒須酤
三月十三夜望月感懷

營鼓催升白玉盤愁人更在客中看松蘿舊夢辜猿鶴星斗遙
天映肺肝五處弟兄共吟望卅年身世盡艱難誰知今夜揚州
月風露欄干耐細寒

木庵舅氏以詩贈行賦此奉答

外家恩意餘諸舅
榆景偏憐失哺甥
客舶鳩茲談舊夢
草堂灑水老詩情
飄鬢霜雪看長健
過眼新陳聽屢更
賸有海雲瞻望意
寒潮愁絕雨中聲

揚州寓齋卽事

雨氣迷漫作夕涼
居然秋意滿書堂
蟲聲勁甚窓難障
苔色肥多徑不荒
紅蓼看人頻欲笑
白雲比我似還忙
鑪香甌茗渾無語
細讀南華倚石牀

漫成

一間草屋如斗大
中有卑卑傲骨官
薄祿那干偏米貴
敝裘纔典又春寒
劇憐癡子還尋樂
多感仁妻解自寬
尙有花時樽酒在
管他世味甚辛酸

園居

名山非復舊時清
賸繫吾園數畝情
徑草靜能生野色
嶺松喧欲壓江聲
樹昏深院鳥爭沸
風倦虛階花落輕
良友二三時自至
相逢一笑過橋迎

讀孟雅姊影前設奠春夜感懷諸詩題後

雁楚猿哀笳吹寒
風淒雨苦燭燒殘
無聲不淚聲吞絕
有血皆詩血
灑乾夜靜高歌魑魅泣
情深卒讀肺腸酸
隱憂已痛周爰語
更與沈湘怨楚蘭

晨陰遂雨枯坐無聊登樓觀東南諸峯俱沒於白雲中吟此遣悶

晨陰如幕閤玻璃
樓外驚看萬象迷
遠樹界天判黑白
羣山避面失東西
悶懷方與雲俱積
遊興還隨雨向低
賸賦新詩聊自

遣待晴尋取寺牆題

東未僧

一兩山中花落多殘紅亦自助幽哦明朝獨立蒼茫裏賸與桓
伊喚奈何

己酉閏花朝同人集舊濤園

隴頭白雪錦江霞併作山樓一榻花香裏聚吟消綺麗酒邊題
字倚橫斜閒雲天際開旋闔好鳥枝頭靜復譁誰爲主人勤戀
客五分春色在吾家

春日園居雜興

書窓生怕暑光烘移得南山拱把桐他日陰成相對坐多應省
却碧簾櫺

復臺坐月

捲盡纖雲天更青
高臺中夜思冥冥
飄霜過葉明
寒玉驚鳥排
林落病翎孤
坐偏憐山寂寞
不風彌覺氣清冷
遠邨星火猶堪
望欲下茅堂却少停

雨中登天光雲影亭

翠竹低垂煙更合
晚窗叵耐闇如蒙
因從巖石高邊坐
漸覺胸懷遠
處空擘雨鳥明
雙翅雪剪江船負
一帆風奔泉不爲
松根阻時有寒光
出樹中

廣州舟中寄酬鄭天放璆

出門惘惘信何因
雲水蒼茫一粟身
猶是十年前去路
却成百折過來人
飛濤捲海明殘夜
惡侶喧舟倦客神
明日應逢陳仲子
惜君不共嶺梅春

遊光孝寺

近代詩鈔

沈復

四

龍象荒涼異盛時禪門興廢事難知夕陽猶得如人意爲送餘
紅照蘇碑

菩提一樹矗天青曾護高人此講經落葉隨風猜梵唄滿階寒
吹索人聽

寒夜坐月有懷心與却寄

寒風利刀劍白月亦稜稜閉窗了無礙月透玻璃澈靜對恍有
得百足欠良朋良朋在何許海山阻層層由來清景共孤賞翻
成憎問君此遙夜亦念行子曾

不問

不問謀生拙與工如花開落任東風熱人可近翻爲避貧壁猶
存用自雄隔水頻呼春草綠倚窗常送夕陽紅有時野客來相
訪小酒還從話歲豐

春陰

軒窗白日若爲遮坐覺人間歲月賒書已頻拋猶想睡事無一
可賸興嗟鳥行苔徑生朝靜風入松灣落暮譁不待綠章勞乞
護小園取次看繁花

別梅

種到能花喜可知這回當喜却翻悲能花得不容人折識得折
花人是誰

九月初三夜和生舟中見月有懷先伯兄閣學公

十六年前鷓首東天風海色此時同倚舷吟誦成前事悽絕初

三月似弓

光緒己亥與先伯兄同舟游東瀛兄
每誦白詩可憐九月初三夜之句

養碧齋落成詩以紀之並呈心與天放

先人有祠堂突兀山之陽豈但林壑美樓榭中相望憶昔居東

樓登降日苦忙僉曰池南屋平曠遷之良我意豈異人勞逸曾
較量頻年走關塞魂夢思故鄉浩然賦歸來手植欣未荒室邇
人則遠宿願頓一償失喜謂匠氏改絃須更張爲室僅三楹無
乃狹迴翔西則居妻孥東以置縹緗中間規作堂客至樂徜徉
庀材如所指不日成短牆短牆不覺短中外恃以障壓簷森衆
綠千竿羅修篁當炎不知暑靡風亦生涼由是開軒窗玻璃輝
日光草衣理巉地藤幔綠修廊夏晡山雨至摘荔常盈筐松檜
健作對中間栽垂楊梅肥足勝雪桂榮甯防霜雜花不記名駢
羅爲芬芳花有未開時萬葉相低昂花開卽爛熳葉蟠亦青蒼
賞花之日暫看葉之日長平生喜田野彷彿園新秧觸目惟一
碧上下逮四旁清陰引幽意且昔當書牀名之曰養碧宜養毋
毀傷毋傷且滋養吾碧將愈昌浮光潤琴書鮮色殷衣裳不山

如遵巖不水如循塘幽禽但聞聲莫辨鶯與鶻春秋逢佳日一
飲三百觴卽或風雨夕燈花光作芒談諧兼誦讀不礙聲琅琅
時卽戢干戈心初灰騰驤將此終吾生硯田容逢穰索居懈之
胎涉思輒徬徨開徑望益友安得來求羊作詩持示君君勿謬
稱揚借肯從吾游浮念不煩攘

思母篇

季蘭三姊錄先繼妣遺詩十首詞二首復藏之二十餘
年屢欲付梓輒以太少而輟茲於篋中又檢得詩十六
首詞一首文一首喜甚而悲敬系長句以誌哀思

嗟予何辜痛至此爲有父兒祇三載皇天降禍酷未休意若母
存猶有恃七齡奪母何太急較奪父時差強耳就中在襁亦父
旁不知不識過童駭避兵窮谷更遠離

馬江之役母寄復於備
大箬家中夏末至冬

末始 膝下時光纔有幾悠悠母去卅三年母聲如聞猶在耳庭

前花草常歲蕤案頭筆研惟精美入門人詫室無塵事事誰知

母躬理曉日芸窗傍淨几短榻橫鋪備困倚一日阿舅仲常視

母來母樂坐兒於懷裏謂兒近來學稍勤毛詩能誦將仲子勝

心受獎聲琅琅舅稱甥敏母色喜孩提至竟不自惜往往藉愛

終慚始放頑逃學煩母憂母顏雖怒無笞捶短髮如繩繫座旁

笑防兒逸並去履元宵走馬赴外家燭火無情焚逼體余五歲時

游外家 燭燈焚余兩手 護走馬 燈於余 驚號過地 母急前一髮千鈞

膚未毀歡和之日吁何短母病常與日俱累阿兄憂母知禱神

我愧盲從祇拜跪母病劇 擊於雁南 朝三兄 朝哺藥紙拾滿牀酣嬉摺

疊千羊豕之 擢久 囊藥 笥紙 逾尺 余皆 拾自 憐髻 稚那溫清時亦

隱憂非有啟辨色登牀慰母呻抑搔無術心如燬痛絕申年臘

月底阿母彌留遂不起諸兄諸姊黑壓牀兒亦驚號繞牀趾衆
中母忽目兒前反覆枕邊凝睇視愛兒欲言聲已瘖雙淚亦乾
手頻指此時此景何可思當日身之瞽然爾卅年前後倘堪移
兒心作痛應何似祇今求痛已不得此痛之痛胡窮止年來痛
母益思母母有遺文何處是冥搜未已神若通夜夜篋中生光
彩檢取焚香讀百回眼前恍惚母猶在諸兄零落或四方有仲
在家商付梓梓詩亦復尋常事母意僅存母未死